

四庫全書

子部

欽定四庫全書

子部  
記纂淵海卷十一

詳校官中書臣涂日煥

侍讀臣孫球覆勘

總校官降誦編修臣倉聖脉

校對官學正臣常循

謄錄監生臣甯汝楠

欽定四庫全書

記纂淵海卷十一

宋 潘自牧 撰

郡縣部

江南西路

江州

倚郭一 德化  
外縣四 德安

瑞昌

湖口

彭澤

定江軍節度

江西路安撫司

沿江制

置司

郡號潯陽

九江

定江

彭澤

盆城

敷淺

湖

口 潞浦 定江軍

州沿革斗牛之分离貢荆揚二州之域春秋吳楚之境  
戰國楚地秦九江郡地漢廬江豫章二郡地吳廬江武  
昌二郡地晉惠帝置潞陽郡初治豫章成帝移地尋陽  
兼置江州隋大業改九江郡唐江州潞陽郡屬江南道  
五代為吳楊氏之地南唐李氏陞奉化軍節度  
沿革表  
縣沿革德化本漢廬江郡潞陽縣又豫章郡柴桑縣吳  
潞陽屬蕪春郡柴桑屬武昌郡晉復屬廬江永興以二

縣置潯陽郡咸康中自豫章徙江州治此義熙省潯陽  
入柴桑縣梁又立汝南縣隋廢汝南柴桑二縣立潯陽  
縣開皇改曰彭蠡大業改潯城唐武德復曰潯別析置  
潯城尋廢之南唐改今名 德安本漢豫章郡歷陽縣  
地又云柴桑縣地晉屬鄱陽郡南朝省之五代吳順義  
七年置德安縣 瑞昌本漢柴桑縣地唐建中置赤烏  
場南唐置瑞昌縣 湖口本漢潯陽縣地唐武德湖口  
鎮南唐陞為縣 彭澤本禹貢彭蠡澤之西漢置彭澤

縣屬豫章晉永嘉屬潯陽郡元帝又置上甲縣義熙省之宋省彭澤後復置梁置太康郡隋平陳郡縣並廢置龍城縣開皇復曰彭澤唐武德置浩州又置樂城縣八年州廢屬江州

沿革表

形勝廬山在德化縣山之南即南康軍 濂溪在州南

以周茂叔隱居得名有書院 大孤山在德化縣 小

孤山在彭澤縣 龍溪在德化 龍泉在廬山 鶴問

湖在德化西 蛾眉洲在彭澤縣東 柴桑山在德化

西南 梧桐嶺在瑞昌東南 石鼓山在德安西北

石鐘山在湖口 玉峯洞在瑞昌 金闕岩正對天子

陣 彭蠡湖在德化縣東

輿地紀勝

人物晉陶侃周訪為友 陶潛著五柳先生傳以自况

周續之劉遺民與陶潛為潯陽三隱 唐元結自號灑

溪浪士 皇朝周敦頤本道州人後隱居濂溪上 李

受李東之告老英宗命朝士賦詩送之時以比漢二疏

義門陳氏在德化縣太宗曰真良臣也 陳兢十四

世同居

輿地紀勝

集攀巖照石鏡牽葉入松門三江事多往九派理空存

靈運浪生湓浦千層雪雲起爐峯一炷煙宋明廬峯連剡削

湓浦帶縈紆劉禹錫樓閣宜賓客江山入好詩大江寒

見底康山青倚天深夜湓浦月平旦廬峯煙樂天湓浦遠

橫簾幕外廬山清落酒盃中李白欲識九回腸斷處潯陽

遠水九條分元微之

本朝江州舊屬江東路紹興改隸西路陞定江軍節度



沿革表

今上移置帥司於此兼沿江制置

邸報

集山為匡仙傳舊姓溪因廉士得清名願持一勺去南

海直使貪泉千古清

穆傑

潯陽欲歸田彭澤先解綬有琴

何必弦無詩不言酒秋黃籬下菊春綠門前柳

前人題靖節詩

夜泊潯陽宿酒樓琵琶亭畔荻花秋雲收鳥沒事已往

月白風清江自流

王安國

隆興府

倚郭二外縣六

南昌奉新

新建豐城

分寧

武

寧

靖安

進賢

郡號南昌 豫章 洪都 豐城 鎮南 洪井 章

郡

府沿革斗分野又云星分翼軫禹貢揚州之域春秋楚東境吳西境戰國屬楚秦九江郡地漢淮南國分置豫章郡晉元康兼置江州治此後移治武昌潯陽隋平陳廢郡置洪州大業復為豫章郡唐曰洪州天寶曰豫章郡為江南西道採訪使治所咸通陞鎮南軍節度南唐改南昌府曰南郡

沿革表

縣沿革南昌本秦九江郡南部漢高帝置為郡治東漢  
置縣陳分置西昌縣隋開皇改南昌為豫章縣大業復  
名南昌後廢之唐武德置南昌縣置孫州六州復置豫  
章縣後州廢省南昌寶應改豫章曰鍾陵貞元又改南  
昌 新建本東漢南昌縣地陳分置西昌縣大業廢之  
唐武德五年復置屬孫州八年州縣並廢本朝置新建  
縣 奉新本漢海昏縣地東漢置新吳縣隋省入建昌  
唐永淳復置南唐改為奉新縣 豐城本南昌縣地吳

分置富城縣屬豫章郡晉太康改富城曰豐城梁改屬  
巴山郡隋省之開皇復置廣豐縣後避諱復為豐城唐  
改曰吳臯尋復故 分寧本漢豫章郡艾縣地東漢建  
安分置西安縣隋省艾縣入建昌唐貞元析武寧置分  
寧縣 武寧本海昏艾縣地東漢建安中孫權分置西  
安縣晉太康改豫寧縣隋省入建昌唐長安復置武寧  
縣景雲改豫寧寶應復今名 靖安本東漢建昌縣地  
唐廣明分置靖安縣五代吳楊氏廢為場南唐復置

進賢本漢南昌縣地晉武帝分置鍾陵縣隋廢之唐武

德復置八年廢為進賢鎮入南昌本朝陞為縣

地理沿革表

形勝滕王閣在城西唐高祖子滕王元婴所建 潘公

園本宋齊丘園潘修真建清逸樓號一郡之勝 西山

在新建縣西大江之外許吳真君上昇之處係第十二

小洞天 南山在分寧縣 東湖在郡東南 鳳山在

分寧多靈草 龍湫在豐城有石可琢硯 劔池在豐

城 鐵柱子在城南許真君鑄以鎮蛟龍 風雨山在

南昌 日月湖在進賢北 冷暖水在分寧西二泉相

去數尺 玉隆觀在新建縣界舊名遊帷觀 金鍾湖

在天寶洞上 投書渚在石頭渡即殷洪喬投書處

磨劍池在分寧東許真君磨劍於此

紀勝

人物漢徐穉字孺子陳蕃在郡特設一榻禮之 晉許

真君名遜斬蛟而昇天 吳真君名猛師事許君飛昇

唐謝小娥嫁段居正死於盜小娥能報讐見唐書列

女傳 本朝陳恕號真益鐵使其子執中 趙庶明寶

元間上書言趙元昊必叛 黃亞夫生子庭堅號山谷

先生 潘淳師事山谷自稱谷口小隱

紀勝

集南昌城郭枕江煙漳水悠悠浪拍天芳草綠遮仙子

宅落花紅襯賈人船

韋莊

城樓枕南浦日夕顧西山丹井

今猶在洪崖久不還

張曲江

洪崖枕上秋月明野客枕底

漳江清蓬壺宮闕不可夢一一入樓歸鴈聲

陳陶

雲歸洪

井枝柯斂水下漳江氣色麗

羅隱

滕閣丹青倚漳江碧玉

奔

杜牧

本朝軍額因唐隆興元年以潛藩昇隆興府太平興國  
六年析南昌縣置新建縣與南昌分治崇寧二年昇進

賢鎮為縣

沿革表

集南昌為郡好樓閣枕江湄地暖春生早山寒日下遲

陳堯佐

千里名城楚上游

穴劔龍藏匣池仙羽作裳

分野遺荆俗經綸屬漢疆蒲輪徐孺子錦幄許旌陽

王介甫

劔芒冲夜氣閣影動秋濤

司馬溫公

贛州

倚郭一外縣九

贛縣

寧都

興國

信豐

雩都



瑞金 會昌 石城 安遠 龍南

昭信軍節度 江西路提刑司

郡號章貢 贛水 貢山 彭水 聶都 昭信軍

南康郡

州沿革星紀之分禹貢揚州之域春秋百越地戰國屬楚秦九江郡地漢豫章郡雩都贛縣地東漢孫策置廬陵郡地屬焉吳孫皓置廬陵南部晉太康置南康郡元康屬江州宋為南康國齊以後復為郡隋廢郡置虔州

大業復曰南康郡唐為處州屬江南道後為南康郡五

代地入吳楊氏及南唐李氏後唐陞昭信軍節度

沿革表

縣沿革贛縣漢初置屬豫章東漢孫策屬廬陵吳為南

部都尉治又置平陽縣晉置南康郡更平陽曰平固宋

屬南康國後省平固為鎮隋改贛縣曰南康縣為虔州

治大業復名贛 寧都本漢贛縣地吳置揭陽縣寶鼎

改陽都縣晉改寧都屬南康郡後省之宋復置寧都大

明析置虔化縣後省之隋改寧都曰虔化本朝復曰寧

都興國本漢贛縣地本朝析置 信豐本漢贛縣地  
隋為南唐縣地唐永淳分置南安縣天寶改今名 雩  
都漢高帝置縣屬豫章郡東漢末屬廬陵郡吳屬廬陵  
南部晉屬南康郡宋復省之隋復置屬虔州 瑞金本  
漢雩都縣地唐天祐置瑞金監南唐陞縣 會昌本漢  
雩都縣地本朝析置 石城本漢贛縣地唐為虔化縣  
地五代吳楊氏置場南唐陞縣 安遠本漢雩都縣地  
梁大同置縣屬南康郡隋省入雩都唐貞元復置屬虔

州 龍南本漢南楚縣地晉為晉安縣屬晉安郡隋廢

之五代吳楊氏置龍南場南唐陞縣

沿革表

形勝章貢二水合為贛水 崆山在二水間又名崆峒

山鬱孤臺在其南 望闕臺在其北 皂蓋樓白鶴臺

在左右 廉泉在光孝寺 靈湖在興國之清德鄉

玉房山在贛縣又名赤石山有玉房瓊室 金精山洞

中有金床玉枕 龍翁穴在贛縣昔有女道士丘氏上

昇 馬祖巖在贛縣馬祖禪師棲於此 金雞山在雩

都 金鯽池在州

輿地紀勝

人物唐鍾紹京繇十代孫工書世號小鍾性孝 王奇

能詩真宗賜第有詩云不拜春官為座主親逢天子作  
門生 孫立節不肯為條例司屬官 謝陟明母喪未

葬鄰屋失火慟哭卧柩上里人共舁以免 曾準知公

安縣火燒民居準以身捍之而風返火滅 胡楚為婺

州教授死於寇難贈奉議郎 尹天民升貢上庠學舍

稱為尹夫子

輿地紀勝

集贛石三百里沿洄千嶂間沸聲常浩浩濺勢亦潺潺

孟浩  
然

石城誇窈窕花縣更風流

李義  
山

本朝軍額仍舊紹興改贛州改虔化縣復為寧都縣太平興國八年以斂江鎮置興國縣析九州鎮置會昌縣

宣和中改龍南縣曰虔南紹興復舊

沿革  
表

集翠峯鬱然起惟此山獨孤築臺山之巔鬱孤名以呼

窮江足樓閣危壓斗牛墟贛山遶左右庾嶺前崎嶇望

闕址其後北向日月都

趙清  
獻

章川貢川結襟帶梅嶺桂

嶺來朝宗

山谷

日麗崆峒曉風酣章貢秋

東坡

贛水雨已漲

廉泉春未流

同上

撫州

倚郭一外縣四

臨川崇仁

宜黃

金谿

樂安

江西路提舉司

郡號臨川

臨汝

金谿

靈秀

義峯

石廩

州沿革星紀之分离貢揚州之域春秋吳境戰國屬楚  
秦九江郡地漢豫章郡南昌南城縣地吳分置臨川郡  
梁屬臨川巴山二郡隋置撫州大業曰臨川郡唐屬江

南道五代吳楊氏陞為昭武軍節度後屬南唐本朝為

撫州削軍額

沿革表

縣沿革臨川本漢南昌縣地東漢永元置臨汝縣吳孫亮於此置臨川郡又分置西平縣晉改西平為西豐梁分北境置定川縣隋置州改臨汝為臨川省西豐定川入焉 崇仁本漢南城縣地東漢臨汝縣地吳置巴丘縣屬廬陵郡又置新建縣屬臨川郡梁改巴丘為巴山及置巴山郡隋郡縣俱廢置崇仁縣屬撫州 宜黃梁



初置縣屬巴山郡隋省入崇仁縣唐武德復置八年廢之本朝開寶中偽唐以宜黃場置縣金谿本臨川縣地五代後周置金谿場本朝陞縣樂安本崇仁縣地

本朝析置

沿革表

形勝靈谷在州東南為江南名山 峩峩峯在臨川有書

院 玉笥山寶蓋山俱在崇仁 金谿水銅斗山靈秀

山皆在金谿 卧冰池在城東乃王祥卧冰之所 試

茗泉在翠雲院 鼇頭山象眼山皆在樂安 鳳臺山

在宜黃 華蓋山在崇仁號江南絕頂

輿地紀勝

人物五代樂史初仕江南後歸朝舉進士嘗編寰宇紀

皇朝晏殊七歲屬文仕至相謚元獻 王安石封荆

國公 王安國荆公之弟也與兄議論不合 鄧考甫

應詔上書言新法必亂天下 歐陽澈建炎與陳東伏

闕上書極言時事為時相誣陷被誅 李泰伯以文學

名於時 復齋陸九齡象山陸九淵皆有學行名世

紀勝

集銅陵映碧澗石磴瀉紅泉

謝靈運入  
華子岡

本朝開寶四年平江南削昭武軍額淳化五年以金谿

場置縣紹興十五年析崇仁置樂安縣

沿革表

集古郡饒風光名園號金柅

黃符

翠帷管絃三市曉畫堂

煙雨五峯秋

曾開

吉州

倚郭一廬陵外縣七

吉水

安福

太和

龍泉

永新

永豐

萬安

郡號吉水

廬陵

廬水

安成

龍鬚

吉陽

州沿革星紀鷄尾及斗牛女翼軫之次禹貢揚州之域

春秋百越地戰國屬楚秦九江郡漢豫章郡地東漢末  
孫策分置廬陵郡吳寶鼎又置安成郡隋二郡俱廢置  
吉州大業為廬陵郡唐武德置吉州天寶曰廬陵郡屬  
江南道五代初屬吳楊氏後入南唐

沿革表

縣沿革廬陵屬漢豫章郡東漢永元置石陽縣隋改石  
陽曰廬陵為吉州治所廢西昌入太和縣 吉水吳初  
置吉陽縣屬廬陵郡隋省入廬陵南唐置吉水縣一云  
本朝初置 安福本漢豫章郡安平縣及長沙國安成

縣東漢永元改安平為平都吳置安成郡治平都而安成屬焉晉改安成曰安復隋廢郡改安復為安成省平都入焉開皇又改安復屬吉州尋改安福唐武德置隸州安福隸焉七年州廢屬吉州 太和本漢豫章郡廬陵縣地東漢末置廬陵郡改曰西昌吳又置東昌縣隋省東昌改西昌為太和屬吉州唐武德置南平州八年州廢屬吉州 龍泉本漢廬陵縣地吳置新興縣屬廬陵郡晉改曰遂興隋省入太和五代吳楊氏析太和什

善鎮置龍泉場後周陞為縣 永新本漢廬陵縣地吳  
置永新縣屬廬陵郡寶鼎屬安成郡隋省入太和唐武  
德復置屬南平州後省之顯慶復置屬吉州 永豐本  
漢廬陵縣地吳置興平陽城二縣屬廬陵郡晉改陽城  
曰陽豐梁以興平屬已山郡隋省二縣入廬陵本朝置  
永豐縣 萬安本漢廬陵縣地吳為新興縣地五代吳  
楊氏龍泉縣地南唐置萬安鎮本朝陞縣

地理沿革表

形勝東山在城東南 西峯在城西南 南山在吉水

西北 東湖在安福東南 日岡圓廣如日月岡狀若

偃月 在吉水縣相距五里 仁山在郡西 義山在太

和一名玉山 文溪在太和西 武溪與文溪相對

金山在龍泉西北 銀山在縣東二山為龍之角又山

頂二塔為雙筆 登科嶺在太和西北 折桂山在龍

泉縣東 化龍池在龍泉覽翠閣

輿地紀勝

人物皇朝歐陽修以文章道德高天下自號六一居士

劉沆相仁宗首請立儲嗣 彭思永抗疏極論張堯

佐董端逸稱白鬚御史 歐陽詢靖康上書極論割地

事死於金兵 葛敏修元符上書言邪佞坐廢於家

蕭汝士知長汀縣不奉行新法以疾求解職而去 楊

邦乂罵敵而死謚忠襄賜褒忠廟額 胡銓上書斥王

倫秦檜孫近得謫自號澹菴居士 楊萬里誠齋先生

周必大孝宗時名相自號平園老叟

興地紀勝

本朝至和元年以報恩鎮置永豐縣熙寧四年陞萬安

鎮為縣宣和三年改龍泉曰泉江縣紹興元年復舊名



沿革表

集為愛江西物物佳作詩長向北人誇青林霜日換楓

葉白水秋風吹稻花釀酒烹雞留醉客鳴機織苧遍山

家歐陽異時黃魯直嘗賦青原詩今日青原山名與星斗

垂廬陵地控虔與洪孤城斗絕吳楚東同鷺洲盤地

軸螺浦瀉天津江濶吞章貢原長接廣閩王庭珪義山

山下有靈泉泉號聰明自古傳四百年中三出相不才

何幸繼前賢劉金陵與廬陵俱有白鷺洲相望萬里江

中同一水流

徐俯

江南西路

袁州

倚郭一  
外縣三

宜春

萍鄉

分宜

萬載

郡號宜春

袁江

康樂

安成

宜陽

袁山

仰

山 鍾山

州沿革斗分野星紀之次禹貢揚州之域春秋吳地戰國屬楚秦九江郡地漢豫章郡宜春縣地吳安成郡地隋開皇置袁州大業曰宜春郡唐為袁州屬江南道天

寶曰宜春郡五代初屬吳楊氏後屬南唐李氏

沿革表

縣沿革宜春漢屬豫章郡吳寶鼎後屬安成郡晉改宜

陽縣隋復置宜春為袁州治 萍鄉本漢宜春縣地吳

置萍鄉縣屬安成郡隋開皇屬袁州 分宜本漢宜春

縣地本朝析置 萬載本高安縣地吳黃武中置陽樂

縣晉太康改康樂屬豫章郡南朝省之唐武德五年復

置陽樂縣屬靖州八年州廢省入高安五代吳順義元

年置孰載縣屬洪州南唐屬筠州本朝改隸袁州

沿革表

形勝西有盧氏弋林東有彭氏釣渚 袁山在州東北  
昔高士袁京居之 謝山在萬載縣北謝貢君飛昇之  
處 震山在州東 仰山在州南高聳萬仞不可登陟  
只可仰觀 雷塘在州東北柳集有雷塘禱雨文 風  
洞在分宜 銀山在萬載 鍾山在州東 溫泉距州  
南三十里可熟雞卵 寒泉在萍鄉東 羅霄山楊岐  
山在萍鄉 盤龍山在州南有蟠龍寺 望鳳山在州  
西北 馬鞍山雞籠山皆在州東 玉溪洞在城外半

里 銀山洞在萬載縣西 鳴玉池在州治之西 卓

劍泉在萬載縣西 九曲水在城南 百丈山在宜春

輿地紀勝

人物黃綰廖洪以孝行著 楊鴻袁福以義門顯 彭

雲鄭谷進退合道 盧肇黃頗文章著名 宜春志序

集莫以宜春遠江山在勝遊 韓集地 小州狹賦稅及時民

安吏循閭里無事 前人袁州謝上表 水與荆巫接山通鄔郢長

劉長卿 秀水東奔彭蠡澤萍川西注洞庭波 袁皓 故里仙才

若相問一春攀桂兩重枝

唐易重登第內  
庭再選又中作

本朝雍熙元年以宜春安仁鎮置分宜縣開寶八年以

萬載隸袁州宣和改曰建成紹興復故名

沿革表

集只今頭上半儒冠誰肯公庭弄舌端試問毛錐將底

用奪標他日萬人看

汪應辰

濕濕嶺雲生竹筩冥冥江雨

熟楊梅

王介甫

瑞州

倚郭一  
外縣二

高安  
上高

新昌

郡號高安

八疊

飛山

鍾口

斜口

黃蘗

州沿革斗分野禹貢揚州之域春秋吳地後入越戰國  
楚地秦九江郡地漢豫章郡建城縣隋屬洪州唐武德  
五年置靖州七年改米州又改筠州八年州廢屬洪州  
五代地入吳楊氏南唐復置筠州本朝避諱改今名  
縣沿革高安漢高帝置建成縣後漢靈帝分置上蔡縣  
吳又置陽樂縣晉太康元年改上蔡為望蔡陽樂為康  
樂隋廢望蔡康樂入建城屬洪州唐置靖州改建城為  
高安縣州廢屬洪州南唐置筠州治此 上高本高安

縣上高鎮南唐昇元中以鎮為場屬洪州保大十年陞為縣 新昌三國時吳置宜豐縣晉屬豫章郡太元末廢縣梁復置隋開皇廢入建城唐屬高安縣地本朝置

新昌縣

沿革表

形勝西嶺北嶺在新昌東北皆為奇觀 龍岡在州西

鳳山在郡北 錦江在州南 金石在上高縣學前

深潭中 濯湖在新昌許真君濯衣處 熱泉在高安

生物投之即爛 琴嶺在高安縣南上有仙人足跡



劔池在州圃後李仙磨劔之池 浮雲山在高安張惠

感冲舉之地 飛霞山在高安西吳真君煉丹處 黃

鳳嶺在上高縣西 白象石在高安西南昔王子喬駕

白象來遊象化為石 龍化山在州西上蔡門外 鷄

鳴峯在高安 煉丹井磨劔池在郡治後圃 燃石出

高安以水灌之則熟着鼎其上可以熟物 炭石出高

安色黑碎之如炭

輿地紀勝

人物晉黃輔有高行其子仁覽師許真君得仙 唐廖

洪父母亡捧土為墳結草廬居教旌表門閭 宋練數

世同居旌表門閭 曹渭姚旦應八行科 蔡經國詞

學廉茂科 晏庭俊陳化成陳友直熊能軍謀宏遠科

黃子淳明法科 李思元應賢良科 盧肇唐狀元

沈邴以才名驚世 易延慶以德行稱 皇朝趙師

明及子彥若相繼為內相

輿地紀勝

本朝寶慶二年以御名改曰瑞州太平興國三年以高

安監步鎮置新昌縣

沿革表

集惟瑞為州夙號江西之道院貫蜀之水允為錦里之

主人

李劉回  
瑞守啓

案牘稀疎意自閒

郡庭十日無斷決

子由

建昌軍

倚郭一  
外縣三

南城  
南豐

新城

廣昌

郡號盱江

建武

軍山

麻姑

南城

軍沿革斗分野星紀之次禹貢揚州之域春秋吳南境

戰國屬楚秦九江郡地漢豫章南城縣地吳孫亮分置

臨川郡治南城晉改南城曰新城東晉復舊隋廢郡置

撫州大業曰臨川郡唐復置撫州南唐置建武軍本朝

改今名

沿革表

縣沿革南城漢高帝分豫章南境置縣屬豫章郡吳屬臨川郡又置永城縣隋省入南城屬撫州大業屬臨川郡唐屬撫州武德五年分置永城東興二縣七年省之南唐為建武軍治所南豐吳太平二年置縣屬臨川郡隋廢入南城唐景雲復置先天省之開元又置屬撫州本朝來屬新城紹興八年分南城縣初置廣昌紹興八年析南豐縣南境初置

沿革表

形勝南山在南豐縣南一名軍山 南潭在南豐縣南

臺之下識云南潭沙上南豐出相 麻姑山在南城西

南有仙都觀係第二十八小洞天 仙人岩在南城中

有仙骨存焉 仙人峯在廣昌 五藏巖與仙人巖相

對 雙秀峯在廣昌東 百丈嶺在南豐 九曲水在

新城 伏虎洞在南城之南 飛鳶嶺在新城之東

丹霞洞在麻姑山西 白雲山在新城 金龍潭在麻

姑山上 金龜湖在五藏巖上

輿地紀勝

人物皇朝曾致堯數上書言事太宗竒之其第五子易

占生孫鞏布 呂南公好為古文自號灌園先生 蔡

耨以詩著江西宗派自稱雲壑道人 朱軾少從曾子

固學有子三人入太學取高第 鄧溫伯從李泰伯學

後入玉堂

輿地紀勝

集願學麻姑長不死時觀滄海變桑田 建昌江水縣

門前立馬教人喚渡船忽似遠年歸蔡處草風沙雨渭

河邊

樂天

雲蓋青山龍卧處日臨丹洞鶴歸時

劉禹錫

本朝太平興國四年改建武軍為建昌軍淳化二年以

撫州南豐縣改隸本軍高宗初置新城廣昌二縣

沿革表

集軍壘近仙山麻姑第三谷靈運詩亦存魯公記可讀

楊堯臣

麻姑峇堯青挿天瀑布奔騰千仞懸星壇突兀倚

絕壁平原太師有銘鐫

曾宏父

臨江軍

倚郭一外縣二

清江新淦

新喻

郡號渝水

新喻

淦水

玉笥

軍沿革吳地斗分野禹貢揚州之域春秋屬吳戰國楚

地秦九江郡地漢豫章郡建城新淦二縣地吳安成豫  
章二郡地隋豫章宜春廬陵三郡地唐屬洪吉袁三州  
五代初屬吳楊氏後入南唐李氏本朝置軍

沿革表

縣沿革清江本漢建城新淦二縣地唐武德改建城為  
高安置靖州改米州又改筠州尋廢之南唐析高安新  
喻新淦地於蕭灘鎮置清江縣屬洪州保大屬筠州本  
朝置軍治此 新淦本漢豫章縣新淦縣隋廢廬陵郡  
唐屬吉州本朝置軍來屬 新喻本漢豫章郡宜春縣



地吳置新喻縣寶鼎屬安成郡隋開皇郡縣並廢十八

年置縣屬袁州本朝置軍來屬

沿革表

形勝閻皂山在新淦縣北為神仙人之牧館山形如閻山

色如皂 玉笥山在新淦縣南為第十七小洞天 寶

林山在新淦南有長寺 龍岡在城南 象山在新

淦縣南 黃金山黃金水皆在新淦縣西南 碧玉池

在玉笥山上

輿地紀勝

人物五代陳喬南唐樞使建康不守死焉朝廷詔改葬

鄧佑擢童科弟吉三禮科因改所居為揚名鄉雙秀里 皇朝孫冕擢第甫及引年拂衣歸九華 劉式自

江南入朝歷華要長子立本特旨出身次立言立德立

禮相繼登第 劉敞有公是集行於世弟放與溫公同

編通鑑有公非集行於世 孔延之孔子四十七世孫

登慶歷第 蕭賀與其弟貫責同登祥符進士從姪注

亦登第與儂智高戰有功 李大有宣和末興勤王之

師 李邈死金國謚曰忠壯

興地紀勝

本朝淳化三年置臨江軍治清江縣以吉州新淦袁州

新喻改屬焉

沿革表

集葛峯相對為文筆蕭水回環當墨池

李與

涪翁句摘江

山勝趙令亭高星斗寒 萬疊遠山青未了一江流水

意無窮

同上

水似人清光滴眼山隨天遠翠浮眉

楊林長教

眼對葛峯碧便覺胸如楚澤寬 摘出涪翁詩裏畫展

開賀老鑑中秋

同上

興國軍

倚郭一外縣二

永興大冶

通山

郡號磁湖 陽新 富川 大冶

軍沿革分野界於吳頭楚尾之間禹貢揚州之域春秋戰國楚地秦南郡地漢江夏郡地吳屬武昌郡隋屬鄂

州大業屬江夏郡唐屬鄂州本朝析鄂州置軍

沿革表

縣沿革永興本漢江夏郡鄂縣地吳孫權改鄂縣為武昌別置陽新縣為武昌郡東晉析置永興縣隋改陽新曰富川省永興入焉十八年改富川曰永興屬鄂州本朝置郡治此 大冶本唐鄂州武昌縣地天佑為青山

場本朝置大冶縣初屬鄂州後屬興國軍 通山本永

興縣地南唐置縣屬鄂州本朝置軍來屬

地理沿革表

形勝瑤山在大冶縣有醉吟窩 玉洞在永興荆山觀

旁是卞和取玉處 會仙巖在通山縣 朝真洞在通

山縣東北 鳳棲巖在永興 龍鬪巖在通山縣九宮

山之後 大泉洞在大冶縣東西二洞相對 大城山

在通山張平子隱此 九宮山在通山縣西南 千仞

山武昌記云其山高萬丈 黃龍洲在富池大江中

白雉山在大冶縣

輿地紀勝

人物皇朝有吳中復仁宗書鐵御史三字賜之兄幾復

弟嗣復聯名登第子立禮為御史直言不避有父風烈

弟則禮應賢良科 盛子充親喪廬墓鄉曲稱孝

輿地紀勝

集西塞長雲盡南湖片月斜

薛能

西塞山前白鷺飛桃花

流水鱖魚肥

張志和

本朝太平興國二年析鄂州永興縣置永興軍三年改興國軍乾德五年以鄂州武昌縣青山場置大冶縣太

平興國置軍以鄂州大冶通山二縣改隸本軍紹興四

年廢通山縣為鎮屬永興五年復置

沿革表

集溪上青山三百疊快馬輕衫來一抹倚山修行有人

家橫上青泉知我渴

東坡

滿目江山富一堂公餘身在水

雲鄉

王十朋

眼中十里是煙波天遣江山助予多自是玉

堂揮翰手不應此處久懷坡

前人題懷坡亭

看盡吳頭楚尾山

不嫌心似鳥知還可憐樽俎登臨處正在煙霞杳靄間

酒甲江南聊可醉山橫楚尾恨無詩

周紫芝

富川置治

湖山中勝氣環聚稱清雄

富川郡治居高閒萬頃平

湖儿案問

陶山  
秦

南安軍

倚郭一  
外縣二

大庾  
南康

南安

郡號大庾 上游

上猶 南埜

軍沿革星紀之分禹貢揚州之域春秋百越地戰國楚

地秦九江郡地漢豫章郡地吳屬廬陵南部晉屬南康

郡及廬陵郡隋南康郡地唐虔州地五代地入吳楊氏

後屬南唐李氏本朝置軍

沿革  
表



縣沿革大庾唐神龍元年析南康縣初置屬虔州本朝  
置軍治此 南康本漢豫章郡南雩縣地吳析置南安  
縣屬廬陵南部晉改南康縣屬南康郡南雩屬廬陵郡  
宋改南康曰贛縣南野亦屬南康郡後省為南野鎮復  
改南康縣唐屬虔州本朝置軍來屬 南安本南康縣  
地五代吳楊氏置上游場南唐陞為上游縣屬虔州本  
朝置軍來屬後改今名

沿革表

形勝梅嶺即大庾嶺其上多梅秦守五嶺此其一也又

上猶縣一嶺亦曰梅嶺 谷山在縣東上有池水有五  
色魚 風洞在上猶風出其中 月谷在上猶 石障

山白鶴嶺在大庾縣東有蔡仙井 青龍岡在大庾東

北 玉枕山在郡正北蓋主山也 石筍峯在上猶

龍鳳山上猶之主山有龍鳳飛舞狀 雙鶴山在大庾

西南有神龍居之人溷其井龍化雙鶴飛去 卓錫泉

放鉢石在大庾雲封寺

輿地紀勝

人物皇朝何大正為上庠三傑之一 田闢號大隱居

士子姪登第及得恩者凡七人 楊大明親喪廬墓三

年蓄雞司晨為狸所捕越夕狸震死

輿地紀勝

集折梅逢驛使寄與隴頭人江南無所有聊贈一枝春

陸凱寄范曄

回頭漸覺長安遠有意須令瀚海清

李白

本朝淳化元年置南安軍治大庾縣以虔州南康上猶

二縣改隸本軍嘉定改上猶為南安縣

沿革表

集創得幽亭近嶺梅綠陰名好稱仙才四邊山色簷頭

出一帶泉聲竹裏來

王漢謀題 綠陰亭

兩州南北護梅關盡日

人行石壁間 路當嶺表初通處地占江西最上頭

章穎

詩人嘗說嶺頭梅 往往春風自此來 我到嶺頭都不見

空將春夢又空回

張无垢

嶺雲夏變梅 蒸早越賈秋藏桂

蠹多均劉

淮陽東路

揚州

倚郭一外縣一

江都泰興

淮南節度

淮東安撫司制置司

郡號江都

維揚

淮海

南兗

邗溝

廣陵

吳州

州沿革斗牛之分星紀之次禹貢揚州之域春秋屬吳越戰國屬楚秦九江郡廣陵郡漢初為荊國後又為江都又為廣陵國東漢為廣陵郡三國魏為重鎮別置壽春為揚州後吳取之東晉青兗二州都督鎮此宋置廣陵郡文帝兼置南兗州北齊改東廣州陳復曰南兗州後周改吳州隋改為揚州改壽春舊揚州為壽州大業為江都郡唐武德曰南兗州七年曰邳州九年曰揚州屬淮南道天寶曰廣陵郡至德為淮南節度乾元復曰

揚州五代初為楊行密所據後李氏取之周顯德中又

取之

沿革表

縣沿革江都本秦廣陵縣漢為廣陵國之江都縣廣陵  
縣宋改廣陵為江陽縣北齊置廣陵江陽二郡隋於江  
都為郡治廢廣陵郡改廣陵縣曰邗江大業復曰江陽  
為江都郡治後省入江都唐為揚州治貞觀復置江陽  
縣後改廣陵本朝省入江都 秦興本漢臨淮郡海陵  
縣地五代時南唐析置秦興縣屬秦州本朝改屬揚州

沿革表

形勝瓜州在江都南海濱云祖逖擊楫之地 花市在  
開明橋之間 平山堂在大明寺側 鎮淮樓在南城  
上大銅山在江都西北吳王濞鑄錢之所 大儀鎮  
在州西北 戲馬臺在廣陵 鬪雞臺放螢苑見枚詩  
茱萸灘在江陽東北 玉蕊花在后土祠王元之更  
名瓊花輿地紀勝

人物後漢劉瑜舉賢良方正 魏陳琳太祖愛其才嘗

苦頭風讀琳所作翕然而起曰此愈我病 隋來護兒

平陳封榮國公 唐來濟護兒之子也泣諫立武后得

貶 李善注五臣文選其子雖號為書簾 李彥博廣

陵達士 皇朝徐鉉與韓熙載齊名弟錯編方輿記

晏孝廣女為敵所得二十年卒不能犯敵人皆義之

孫洙舉賢良 李易進士第一名

輿地紀勝

集故人西辭黃鶴樓煙花三月下揚州孤帆遠影碧空

盡惟見長江天際流 李 白雄藩本帝都遊士多俊賢夾河



樹鬱鬱華館十里連

雄藩鎮楚郊地勢鬱鬱堯

韋應物

落花逐流水共到茱萸灣

寒潮落瓜步秋色上蕪城

劉長卿

蕪城西眺極滄流漠漠春煙暗樹樓瓜步早潮吞

建業蒜山晴日照揚州

獨孤及

日落龍門外早潮瓜步前

後王何以鑒前王請看隋堤亡國樹

白樂天

二十四橋

明月夜玉人何處教吹簫

秋風放螢苑春草鬪雞臺

杜牧

廣陵實佳麗隋李此為京八方稱輻輳五達如砥平

權載之

取履橋邊啼鳥喚釣璜溪畔落花初

李德裕

入郭樓

臺出郭船紅樓日日柳年年君王忍把平陳業只換雷

塘數畝田

羅隱題  
煬帝陵

本朝熙寧五年省廣陵縣入江都乾德三年移鎮泰興

縣於柴墟鎮屬泰州宣和四年來屬紹興初屬泰州十

二年復來屬

沿革表

集二十四橋千步柳春風十里捲珠簾

韓忠獻

上連牛斗

參天濶下帶江淮據廣平

石圭

野無佩續子府有騎鶴仙

揚州雲液却如酥

東坡雲液酒名

東南淮海維揚州國士無

雙秦少游直黃魯棟宇高明古寺間盡收佳處入雕欄山

浮海北青螺遠天轉江南碧玉寬照海旌旆秋色裏

激天鼓吹月明中秦少游江淮天設險星斗地分維尤

真州倚郭一外縣一揚子六合

淮東轉運司

郡號儀真迎鑾白沙建安

州沿革斗牛之分星紀之次禹貢揚州之域春秋屬吳

戰國楚地秦屬九江郡漢廣陵國地東漢廣陵郡地三

國屬魏宋屬廣陵郡南兗州北齊屬廣東州周屬吳州  
隋初屬揚州後屬江都郡唐屬揚州南唐以永貞縣地  
置迎鑿鎮本朝置建安軍後改真州

沿革表

縣沿革揚子本漢江都縣地唐永淳析置揚子縣屬揚  
州後改永貞縣本朝來屬後改舊名 六合本春秋楚  
之堂邑漢為臨淮郡堂邑縣東漢廣陵郡三國初屬魏  
後屬吳晉元康置堂邑郡安帝改置秦郡後又別立尉  
氏縣北齊兼置秦州後周改曰方州改郡曰六合隋廢

郡改尉氏為六合縣省堂邑入焉大業州廢屬江都唐武德分置石梁縣屬方州貞觀州廢省石梁以六合屬

揚州本朝來屬

沿革表

形勝六合即定山也舊名六峯曰寒山曰獅子曰雙雞曰芙蓉曰高妙曰石人山有三泉曰虎跑曰真珠曰白巖 獨山在竹鎮 三山在竹鎮曰巴山曰麝香曰盤石 橫山了山方山在揚子縣三山鼎峙 娥眉山在六合東北 瑪瑙澗在靈巖山 靈巖山在揚子縣西

靈湖堰在州南 長蘆寺舊在長蘆鎮後徙於滁口

山之東 芳草澗在六合縣

輿地紀勝

人物陳吳明徹決策北征大破齊師 皇朝蔡寢魁天

下不肯與蔡京通譜 陳次升為給事中蔡京除參政

力駁詞頭 劉湜其子大中仕至執政以議和不協補

外 淮南三善士皆在真州之揚子曰杜君徐君征君

集維舟至長蘆日送煙雲高搖扇對酒樓把袂持蟹螯

李駿馬淮南客歸時引望新江聲六合暮楚色萬家春

韓翊

本朝乾德三年於揚州永貞縣之迎鑾鎮置永安軍雍  
熙二年以永貞縣來屬大中祥符六年改為真州改永  
貞為揚子縣屬焉至道二年以揚州六合縣來屬

沿革表

集潮落淮風怒不收昇州一日到真州多情揚柳能青  
眼底事風濤亦白頭

彭漢

濤翻鷺羽連天白山疊屏風

到海清

劉敞出長蘆口

江淮一郡會

司馬

金山只隔水特復聽

晨鐘

穎濱

水歸瓜步小船下秣陵多

梅堯臣

秦州

倚郭一  
外縣一

海陵  
如皋

淮東路提刑司提舉司

郡號秦興

海陵

吳陵

如皋

州沿革斗牛之分星紀之次禹貢揚州之域春秋屬吳  
戰國屬楚秦九江郡地漢臨淮郡地晉屬廣陵郡安帝  
分置海陵郡隋廢郡屬江都郡唐武德置吳州七年廢  
之屬揚州唐末揚行密立海陵制置院南唐陞為秦州

沿革  
長



縣沿革海陵屬漢臨淮郡東漢省之晉復置屬廣陵郡  
安帝置海陵郡隋廢郡屬江都唐武德改縣曰吳州七  
年州廢復故名南唐置泰州治此如臯本漢廣陵郡  
地晉安帝置寧海如臯二縣隋省如臯入寧海屬揚州  
唐太和析海陵五鄉置如臯場屬揚州南唐陞為縣屬

秦州

沿革表

形勝鳳凰臺在揚子城南昔有鳳凰集此 鳳凰池在  
資福院 鷄雀湖在海陵東 金牛池在妙智觀前

羅浮山在海陵澤數中望之如浮 天目山在海陵有

雙井相對蔣之奇於井中得金龍玉璧三十六 七星

井八字橋在城內 九十九灣在如臯又名遊龍河

勝紀

人物皇朝許元其孝弟著於三世 胡瑗以布衣召論

樂為湖學教官學者尊之為安定先生 王維熙當儂

智高叛時官吏坐弃城當死者數十人維熙悉奏免之

子覲兩以論時事得謫安置 周麟之中詞科班冠王

筍

勝紀

本朝集唐世碑猶在高麗鼓半穿

范文正題  
聖果院

一學許周

查三仕周陳唐

東南滄海郡幕府清風堂德星一會

聚直有千載光

范文正

境土連江徼人家壓海隅

曾致堯

更

無塵土當軒起只有松蘿遶檻生

前人詠  
清風樓

沙鷺窺吟榻

風蟬入坐隅

前人詠  
芙蓉樓

雲昏迷候館樹缺辨江潮

前人詠  
望京樓

香粳吹熟秦州紅苣甲蓴絲放箸空

陸游

通州

倚郭一  
外縣一

靜海  
海門

郡號靜海

橫江

海門

崇州

崇川

州沿革星土分野歷代地理並同秦州南唐置靜海制

置院周世宗克淮南陞靜海軍尋改通州

沿革表

縣沿革靜海周世宗析海陵之東境置縣 海門周世

宗以東州鎮置縣

沿革表

形勝琅山本名狼山在靜海有五山相連屬又名五狼

山 軍山在海江之際 紫石巖在狼山 綠漪亭在

郡治 南布洲舊是大海其中漲沙後為布洲場今為

金沙場 東布洲舊是海嶼因布機流至沙上得名

布洲夾在靜海縣南潮勢如箭激

紀勝

人物皇朝吳及仁宗時擢為諫官 姚原道仕至吉州

守黃魯直誌其墓 張日用見鄭獬奇之即妻以女獬

果魁多士張次山日用之子也包孝肅公薦於朝 崔

涇號放生公

紀勝

本朝天聖元年改通州曰崇州明道二年復故

沿革表

集通為州極淮之南距江海之濱其地烏鹵而瘠無絲

粟之饒其民苦窳而貧有魚鹽之利

朱彥海山樓記

瀕海江南

通閩越北通齊魯民以魚鹽為業

俞投能奏劄

門外海濤奔

鐵騎檻前山背擁金鰲

陳博古題海山樓

狼山五峯竒下壓淮

埂郡中有佛圖居沿巔數百仞

趙清獻

海腹藏吳楚天樞

轉斗牛夜分驚日浴潮落見鯨遊

齊唐

郡僻山尤遠塵喧

與世違水橫觀鴈度天靜見龍歸

吳及

一線橫大江千螺

簇層巒空外飛鳥沒煙中片帆還

蔣之奇遊狼山

初日光微天

尚暝暮潮聲落地先秋

姚開登縣樓

亳州

倚郭一外縣七

譙縣城父

蒙城

郟

靳縣

臨渙

虹縣

靈壁

集慶軍節度

郡號沛國

豫州

蒙城

譙郡

州沿革禹貢豫州之域春秋屬陳楚戰國屬宋秦碭縣地漢沛郡地東漢沛國兼豫州刺史治魏置譙郡元魏兼立南兗州後周改亳州隋復為譙郡唐曰譙州貞觀更名亳州屬河南道天寶曰譙郡乾元復曰亳州

沿革表

縣沿革譙縣春秋焦夷地譙即焦也漢為譙縣屬沛郡

東漢為豫州治魏置郡元魏置小黃縣及陳留郡以譙  
為亳治隋改小黃曰譙縣 城父本春秋焦夷地夷即  
城父也漢為城父縣屬沛郡東漢屬汝南郡晉屬譙郡  
宋曰浚儀隋改曰城父五代後梁改為焦夷後唐復故  
蒙城本漢山桑縣屬沛郡東漢屬汝南郡魏屬譙郡  
元魏置渦州及渦陽縣兼置南譙郡梁改渦州曰西徐  
州東魏曰譙州隋廢郡改渦陽縣為肥水大業改曰山  
桑屬譙郡唐屬亳州天寶改今名 鄆梁置睢州於竹



邑隋廢竹邑入符離屬彭城郡唐置州治焉 蕪縣本  
秦縣名漢為沛郡蕪縣及龍亢縣東漢屬沛國晉屬譙  
郡宋為郡治齊為北譙郡元魏改蕪曰蕪城梁置蕪郡  
北齊復置州又於龍亢置龍郡隋廢郡復為蕪縣省龍  
亢入焉屬彭城郡唐屬宿州 臨渙梁置臨渙郡北齊廢  
郡隋屬譙郡唐武德置北譙州貞觀廢之屬亳州後改  
屬宿州 虹縣本漢沛郡虹及夏丘縣東漢虹縣屬沛  
夏丘屬下邳晉後皆廢之北齊復置夏丘縣及郡兼置

潼州後周改州為宋州縣曰晉陵隋州郡並廢復曰夏  
丘屬下邳郡唐武德置仁州又析夏丘置虹縣六年省  
夏丘貞觀州廢屬泗州元和改屬宿州 靈壁本虹縣

地本朝析置

地理沿革表

形勝嵇山在臨渙縣

地理志

睢水在靈壁縣項羽破漢軍

於靈壁東睢水為之不流

項羽傳

集去年冬來此主人與余有故哀其窮居余於符離睢

上

韓文公與孟東野書

本朝大中祥符七年以臨渙縣屬亳州天祐元年復屬

宿州元祐七年陞靈璧鎮為縣

沿革表

海州

倚郭一  
外縣三

胸山

懷仁

沐陽

東海

郡號東海 胸山 郟郡 瑯琊 龍沮 曲陽

州沿革禹貢徐州之域春秋魯東境戰國屬楚秦屬薛

郡後分為郟郡漢改郟為東海郡東漢置徐州宋僑立

青冀二州梁置南北二青州後入元魏東魏立海州隋

廢郡大業廢州為東海郡唐武德復曰海州屬河南道

天寶曰東海郡乾元復為海州

沿革表

縣沿革朐山本秦朐縣地漢屬東海郡宋省之梁置招遠縣元魏復為朐縣又置瑯琊郡後周郡縣俱名朐山隋為東海郡治唐屬海州武德置龍沮曲陽縣八年省入 懷仁本漢東海郡祝其利成二縣宋省二縣梁置

南北二青州治此東魏置義塘郡及懷仁縣隋廢郡屬東海郡唐武德時改置新樂縣六年改新樂曰祝其八年省入懷仁 沐陽本漢東海郡厚丘縣宋省之梁置

潼陽郡東魏改曰沐陽郡及置懷文縣後周改沐陽郡  
隋大業臧君相據此為沐州唐武德置厚丘縣八年省  
為鎮沐陽縣總章屬泗州咸亨來屬東海本漢瑯琊  
郡贛榆縣地東漢屬東海郡晉廢贛榆縣宋置東海縣  
及郡又僑置青州元魏改海州廢縣立臨海鎮置廣饒  
縣後周復置東海縣隋開皇廢東海縣及郡仁壽改廣  
饒曰東海屬海州唐武德置環州並置青山石城贛榆  
三縣八年州廢省三縣以東海來屬五代省入朐山為

東海監

沿革表

形勝秦東門在朐山縣海上 羽山在懷仁縣禹貢曰

蒙羽舜殛鯀於此

沿革表

祝其在懷仁縣一名夾谷孔子

於此却萊人兵

見左傳

郁州山在東海縣一名蒼梧山俗

傳自蒼梧徙來上有南方株木 鬱林在東海縣四面

環海齊田橫所保也

沿革表

本朝開寶三年復以東海監為東海縣

沿革表

泗州 倚郭一 臨淮

郡號徐國 泗水 下邳 臨淮 徐城

州沿革禹貢徐州之域春秋屬徐戰國屬吳秦泗水郡地漢臨淮郡地東漢下邳國地兼置徐州晉屬臨淮郡元魏屬下邳郡梁置高平郡又置濟陰郡隋廢郡屬泗濠二州後以泗州為下邳郡唐曰泗州屬河南道天寶

為臨淮郡

沿革表

縣沿革臨淮本春秋徐國漢臨淮郡下相僮二縣地晉省僮縣後下相亦廢梁置高平郡東魏又置高平縣隋

改高平縣曰徐城本朝建隆三年省徐城入臨淮縣

沿草表

淮南東路

滁州

倚郭一  
外縣二

清流  
來安

全椒

郡號永陽

全椒

滁陽

臨滁

滁城

滁上

清

流

州沿革吳地斗分野禹貢揚州之域春秋屬吳戰國屬楚秦九江郡地晉淮南郡地宋置新昌郡梁置南譙州北齊改郡為臨滁後周改曰北譙隋廢郡改南譙曰滁



州廢屬江都唐武德復滁州天寶曰永陽郡乾元復曰  
滁州屬淮南道

縣沿革清流本漢全椒縣屬九江郡晉屬淮南郡元魏  
置頓丘縣及新昌郡北齊為南譙州治隋開皇改滁州  
廢郡為新昌郡後改曰清流大業州廢屬江都唐置滁  
州治此 來安本漢九江郡全椒縣地隋江都郡清流  
縣地唐景隆析置永陽縣屬滁州後改名來安 全椒  
本漢九江郡全椒阜陵二縣地晉屬淮南郡後廢阜陵

梁置北譙縣及郡北齊改縣曰臨滌後周復曰北譙隋

開皇廢郡改縣曰滌水大業復曰全椒屬江都表

沿革

形勝金山在清流縣西 醉翁亭在瑯琊山歐陽公作

記 茶仙亭在瑯琊寺曾肇作記 瑯琊山在清流有

瑯琊洞 玻璃泉又名六一泉 真珠泉在幽棲菴前

遊者撫掌則泉若跳珠 紫薇泉在瑯琊山舊名幽谷

烏山在來安 白石洞在全椒有石如觀音 黑龍

山在全椒山巔有黑龍寺 玉溪即滌水也 花山在

全椒縣北 菱溪在清流 白鶴洞在醉翁亭東 卧

龍山在全椒有卧龍庵 回馬嶺在醉翁亭南 桃花

洞在清流 梅子山在來安 偃月洞在龍蟠山 歸

雲洞在瑯琊山

紀勝

人物唐邢文偉以直諫東宮著名 皇朝張洎南唐人

太祖朝為參政 吳蔚為臨淮尉青苗法行蔚施行得

宜民以不擾 茅華五子登科 徐徽自號獨山居士

編滁陽歷集 苟與齡喪母廬墓有草芝瑞旌表門閭

紀勝

集古國羣舒地前當桐柏關煙綿江上雨稠疊楚南山

司空曙

吏散閤門掩烏鳴山郡中數家砧杵秋山下一

郡榛荆寒雨中

韋蘇州

本朝集環滁皆山也其西南諸峯林壑尤美望之蔚然深秀者琅琊也山行六七里漸聞水聲潺潺而瀉出乎兩峯之間者醜泉也峯回路轉有亭翼然臨於泉上者醉翁亭也作之者誰山之僧曰智僊也名之者誰太守自謂也

歐公醉翁亭記

淮邊永陽郡人物自熙熙

王元

琅琊山

色遶城池 醉卧懷嵩樓 臘月滁州始覺寒年豐歲

暮郡齋閒官供好酒何憂雪天與新詩合看山 連袞

復峇堯峯巒駕沃寥流名自東晉積翠滿南譙 前入詠 瑯琊山

弊邑亦何有青山遶城樓石醜駭溪怪水竒瞰龍湫

滁山殊絕滁水深空巖悲風夜吹林山溜白玉垂清琴

一寫萬仞源莫尋 滁陽幽谷抱山斜我鑿清泉手種

花故事流傳父老說世人今作畫圖誇 歐陽公 瑯琊倚天

色蒼翠遶泉落石聲玲瓏 富鄭公 夜雨暗添西澗水春風

開徧北樓花曾聲庶子泉寒澄雅思陽冰篆古足清心劉渭

淮安軍

倚郭一  
外縣二

山陽

鹽城

淮陰

郡號山陽 淮陰 射陽 楚州

州沿革星紀牽牛之分禹貢揚州之域春秋戰國屬楚  
秦九江郡地漢屬臨淮郡廣陵國東漢廣陵郡下邳國  
地晉為臨淮廣陵二郡東晉為重鎮安帝置山陽郡元魏  
置淮陰郡東魏改為淮州隋開皇立楚州大業屬江都  
郡唐武德曰東楚州八年曰楚州屬淮南道天寶曰淮

陰郡乾元復曰楚州後唐陞順化軍節度後廢之

沿革表

縣沿革山陽本漢臨淮郡射陽縣東漢下邳國後屬廣陵晉置山陽郡改射陽曰山陽縣隋置楚州大業屬江都臧君相竊據曰東楚州唐去東字以山陽縣屬焉

鹽城本漢臨淮郡鹽漬縣東漢屬廣陵晉安帝改鹽陵郡北齊置射陽郡陳改曰鹽城郡隋開皇廢郡屬江都郡大業盜韋徹據之置射州及射陽安樂新安三縣唐武德收復廢其州縣復置鹽城以隸焉南唐割屬泰州

淮陰本漢臨淮郡淮陰縣東漢屬下邳郡晉廣陵郡  
治元魏置淮陰郡東魏改淮州北齊置懷恩縣後周改  
壽張隋改淮陰後州省縣入山陽唐乾封復置屬楚州

沿革表

形勝紫極宮在城嘗有神仙留題 白水塘在淮陰鄧

艾所修 金牛岡在山陽 鐵柱岡在鹽城北 桃花

浪在山陽永豐村 杏花村在望雲門外 捍海堰在

鹽城南 射陽湖在山陽縣東南 茶坡在山陽 蓼



澗在淮陰

紀勝

人物漢韓信淮陰人今縣東有漂母家信所寄食也

枚乘枚臯並淮陰人 陳容隋臧洪為東郡丞袁紹殺

洪容死之 三國步騭代陸遜為丞相猶手不釋書

王粲與建安七子之數 皇朝蘇師旦與儂智高戰死

贈光祿卿 徐積從胡瑗學謚節孝處士 張耒從東

坡學 劉晟以氣概名鄉里為叛臣劉晏所殺 衛朴

精於歷術

紀勝

集山陽郭裏無湖野水自向新橋魚網平鋪荇葉鷺鷥

閒步稻苗

李嘉祐

家在枚臯舊宅邊竹軒晴與楚牆連芟

荷香透垂鞭袖揚柳風橫聞笛船城礙十洲煙路鶴寺

臨千頃夕陽川

趙嘏

楚澤雪初霽楚城春欲歸淮清變寒

色遠樹含清暉萬頃水田連郭秀四時煙月應淮清

劉夢得

本朝開寶九年以鹽城縣還屬楚州

沿革表

寶慶以逆全

之亂降楚州為淮安軍

邸報

集雲夢何須偽出遊遭讒尤得故鄉侯平生蕭相真知

已何事偏同女子謀

張耒題淮陰廟

良將未得用幾人能賞音

恩難忘一飯報肯惜千金舊俗喜出勝後時空愧心至

今重風義廟食配淮陰

楊傑題漂母祠

寶應州

倚郭一

寶應

郡號安宜

州沿革星土分野歷代地理並同淮安軍寶慶三年以  
蒙國進寶璽詔年穀屢豐雨暘時若可謂受寶之應其

以寶應縣陞寶應州

報

卷十一

縣沿革寶應本漢寶陵國平安縣東漢屬廣陵郡魏鄧  
艾築石鼈城以營田晉省平安縣宋置安宜縣梁置陽  
平郡及陳莞郡隋廢郡屬江都郡唐武德以縣置滄州  
州廢屬楚州上元以獲定國寶十三枚改元寶應因改  
縣名本朝寶慶置州治此

沿革表

形勝雲山在城西南百二十里有龍潭 箕山在城東

六十里 蘭亭院在城東王野村 白水陂在州西八

十里鄧艾所立 白馬湖在州北十五里 石鼈城在  
縣西八十里 得寶岡女尼真如所居也按神寶記云  
真如忽見皂衣引見天帝出寶授之令達於天子肅宗  
疾甚名代宗立為皇太子曰今天賜寶獲於楚州天祚  
汝也即日以寶應紀年云 金釵澗在城西 射陽阜

東臨射陽湖

輿地紀勝

本朝集雪樓當日動清寒渭水梁山鳥外看聞說德宗  
曾到此吟詩不敢倚欄干雅半升濁酒試尊羹賤買魚

蝦已厭烹淺水依蒲有船過淡煙籠月更人行

呂本中

高郵州

倚郭一外縣一

高郵興化

郡號高沙

廣業

承州

邗州

軍沿革分野同揚州禹貢揚州之域春秋吳地戰國楚

地秦九江郡地漢屬廣陵國東漢屬廣陵郡晉屬臨淮

郡宋屬廣陵郡梁置廣業郡後改神農郡隋廢郡屬揚

州大業屬江都郡唐屬揚州五代地入吳楊氏後入南

唐後周取之本朝置軍

沿革表

縣沿革高郵秦初置縣漢屬廣陵吳省之晉復置屬臨  
淮郡宋屬廣陵郡梁分為竹塘三歸二縣隋屬揚州本  
朝置軍治焉 興化本漢臨淮郡海陵縣地五代吳楊  
氏置興化縣屬揚州南唐屬泰州本朝來屬

沿革表

形勝孤山在興化縣東南 五湖離城六十里 七里

湖離城二十七里 千人湖在興化 綠揚湖在城南

三十里 黃蒲堰在興化 捍海堰在興化 平淮堰

在高郵李吉甫所築

興地紀勝

人物皇朝崔希甫者有文武才號重金御史 孫正臣

孫辛老號孫龍圖 喬執中與孫辛老秦少游齊名號

曰三賢 秦觀字少游習制科有文號淮海集弟秦覲

有詩名紀勝

集九陌黃塵烏帽底五湖春水白鷗前山谷吾鄉如覆盂

地據揚楚脊環以萬頃湖粘天無四壁 高郵西北多

巨湖累累相貫如連珠秦少游一川風雨高郵夜玉塵清

談畫鷁州曾子固三十六湖水所瀦其間尤大為五湖



中間可以置郵戍隱然高阜如覆孟蔣穎叔一州斗大君

休笑國士秦郎此故鄉

楊誠齋

招信軍

倚郭一外縣二

盱眙

招信

郡號盱眙 龜山 泗口

軍沿革鷄尾星紀之次女牛之間禹貢揚州之域春秋  
吳地戰國楚地秦屬九江郡漢屬臨淮郡東漢屬下邳  
國三國魏地晉屬臨淮郡義熙置盱眙郡宋徙置南兗  
州梁屬兗州魏又置盱眙郡北齊廢郡屬淮州陳置北

譙州尋廢之周復為郡隋廢郡屬揚州大業屬江都郡  
唐武德置西楚州八年廢之屬楚州五代初入吳後入  
南唐周取之本朝置軍

沿革表

縣沿革盱眙秦初置縣漢屬臨淮郡為都尉治東漢屬  
下邳國晉置盱眙郡北齊復為縣屬淮州周復為郡隋  
為盱眙縣屬江都唐初屬西楚州領一縣八年屬楚州  
光宅改建中縣尋復故名後屬泗州本朝初屬楚州後  
來屬天長本漢廣陵國廣陵縣地隋江都郡六合高

郵縣地唐天寶置千秋縣屬揚州尋更名天長南唐置  
建武軍周平江淮改雄州 招信本漢臨淮郡淮陵縣  
後漢屬下邳國晉屬臨淮郡宋改睢陵縣僑置濟陰郡  
北齊徙徐州治此改池南縣陳復為睢陵周改招義縣  
隋廢郡大業改化明縣屬鍾離郡楊益德竊據又置濟  
陰郡唐武德析置睢陵縣屬濠州尋改化明曰招義省  
睢陵貞觀省濟陵入招義屬濠州

沿革表

形勝東山在郡治東 東溪在都梁山東五里 龜山

在盱眙禹鎖水神巫支祁處 驢湖在天長 玉環山

在招信縣 玻璃泉在第一都山之下 寶積山在郡

南與都梁山相接 三臺山在招信縣南 五臺山又

名龜山 三石洞在報恩寺後三洞相連 九頭山在

城南有九丘 七眼泉在古離宮之西南有流盃池

與地

勝紀

人物漢武涉項羽使之說韓信 三國陳矯相魏文帝

宋王彭父母喪為人作碑以葬 皇朝楊玠老舉孝

廉不就 朱壽昌有孝節 劉位靖康中率衆勤王

集養蒙分四瀆習坎奠三荆徙帝留餘地封王表舊城

駱賓王

本朝以泗州盱眙縣屬楚州乾德還泗州紹興十二年

屬天長軍尋置盱眙郡治此紹定間北國守將合納買

住來降詔改為招信軍

師報

我太祖初平江南改雄州為

天長軍治天長縣至道二年廢軍屬揚州建炎復陞軍

紹興廢屬揚州十二年又陞軍尋廢為縣屬盱眙軍乾

德元年以濠州招義縣屬泗州太平興國改招信縣紹

興改隸盱眙軍 沿革表

集紅塵欲礙龜山出白浪空分汴水來 王介甫 清淮濁汴

爭強雄龜山下闕支祁宮 蘇子由 東風淮聲鳴萬古山頭

孤塔藏煙霧 塵埃可洗憂可豁待我一勺玻瓈泉

疑是盱眙郭門外月明帆席過清淮 張耒 雲收鴈塔初晴

影月照龜山午夜光 周邵 七眼泉邊無一念一襟披盡晚

來風 吳拭 腸斷龜山離別處夕陽孤塔自崔嵬 秦少游 亭聳

東南第一山登臨身在白雲間市樓斜日紅高下客艇

輕波綠往還

王渥

漣水軍

倚郭一

漣水

郡號公猶

襄賁

金城

軍縣沿革禹貢揚州之域漢臨淮郡公猶縣地東漢省  
公猶縣宋東海郡及襄賁縣於此後魏為海安郡廢郡  
改襄賁縣為漣水屬東海郡唐武德以縣置漣州並金  
城縣貞觀州廢省金城以漣水屬泗州總章屬楚州咸


亨復屬泗州後又屬楚州

沿革表

本朝太平興國三年建漣水軍熙寧五年廢軍以縣屬

楚州元祐二年復置軍

沿革表



記纂淵海卷十一



欽定四庫全書

子部  
記纂淵海卷十二

詳校官中書臣涂日煥

侍讀臣孫球覆勘

總校官降調編修臣倉聖脉

校對官學正臣常循

謄錄監生臣甯汝楠

欽定四庫全書

記纂淵海卷十二

宋 潘自牧 撰

郡縣部

淮南西路

廬州

倚郭一 合肥

舒城

保信軍節度 淮西路安撫司制置司轉

運司

郡號合肥

廬江

肥水

南豫

德勝軍

保信軍

州沿革吳地斗分野禹貢揚州之域春秋舒國徐取之  
楚又取之戰國屬楚秦九江郡地漢廬江九江二郡地  
魏為揚州治晉淮南廬江二郡地宋齊為廬江郡梁置  
汝陰郡又改南豫州尋改合州隋開皇改廬州大業為  
廬江郡唐屬淮南道後唐改長興陞昭順軍節度周改

保信軍

沿革表

縣沿革合肥本漢九江郡合肥縣晉屬淮南郡梁改汝  
陰縣及置汝陰郡隋廢郡改合肥縣置廬州治焉 梁

縣本漢浚道縣屬九江郡晉屬淮南郡東晉改慎縣東

魏置平梁郡陳改梁郡隋廢郡以慎州屬廬州舒城

本春秋舒國楚滅之漢置廬江郡治舒縣晉後廢縣唐

開元析合肥廬江置舒城縣

沿革表

形勝潛山州治所據

巢湖

詳見地理部湖類

龍潭在梁縣治

後鵲岸在舒城春秋吳人敗楚於此 金城河在合

肥西 金沙灘在藏舟浦 鐵索澗金斗城皆在合肥

三角山在舒城 四頂山在合肥東南 桃城鎮在

舒城縣北 花家城在舒城西舊名竹子市 龍舒山

在舒城有龍舒水 龍眠山鹿起山在舒城 金牛山

在合肥 金雞潭在舒城

輿地紀勝

人物范增為項羽謀臣 文翁化巴蜀好文雅 左慈

有神術 吳周瑜破曹操於赤壁 晉陶侃惜分陰

唐萬敬儒三世同居兩賜旌表 皇朝馬亮漕西川王

均反主將誅戮得亮救免者千數 包拯守本州不少

屈法天下號曰包家 李公麟博學好古

輿地紀勝

集勝境天然別精藍入畫圖一山分四頂三面瞰平湖

羅隱

本朝孝宗朝以御名改慎縣為梁縣

沿革表

集沃壤欲包淮甸盡堅城尤抱蜀山迴柳塘春水藏舟  
浦蘭若秋風教弩臺晴湖列遠岫萬疊來駿奔橫入  
小蜀岡金友依玉昆肥川勝賞冠他州浦口揚舡得  
俊遊梅雨正肥江國路蘋風未破洞庭秋未服蜀山回出  
千螺秀肥水長縈一帶迴猶合金城藏後浦不惟銅雀

起樓臺 花島可憐春自媚 柳洲遙覺月微明 郭祥正

無為軍

倚郭一 外縣二

無為

巢縣 廬江

淮西路提刑司提舉司

郡號廬江 居巢 巢州

軍沿革星土分野歷代地理並同廬州本朝置軍

沿革表

縣沿革無為本漢廬江郡襄安縣梁改蘄縣隋復為襄

安屬廬江郡唐為巢縣本朝析置無為縣為軍治 巢

縣本古南巢地春秋羣舒之邑漢為廬江郡居巢縣三

國屬吳後廢之晉復置屬廬江郡隋省入襄安縣唐武  
德置巢州七年州廢改襄安為巢縣屬廬州本朝置軍  
來屬廬江本漢廬江郡龍舒縣南齊改廬江縣梁置  
湘州北齊廢之隋廢郡隸廬州義興移治於石梁東南  
唐景隆移治於今所本朝置軍來屬

沿革表

形勝杏山在巢縣 梅山見左傳楚師伐鄭右回梅山

柘山在廬江 巢山在巢縣本名道山 巢湖在巢

縣西一名焦湖 孔臺在巢縣云宣聖與羣弟子憇息



於此 呂泉在石膏山下云呂仙卓劍而泉湧出 三

公山九卿山在廬江縣 佛足山在無為縣西 仙女

洞在廬江有仙女臺 錦綠溪在城內 七寶山在巢

縣為西關濡須山為東關

輿地紀勝

人物東漢毛義以孝行稱 皇朝楊傑自號無為子有

無為集二十五卷 賈易辨韓忠彥援立之功 焦蹈

元豐魁天下士 王之道與兄之義之深同登科名其

所居堂曰三桂堂

輿地紀勝

本朝太平興國三年以巢縣之無為鎮置無為軍以廬  
州巢縣廬江縣來屬熙寧三年析巢廬江二縣置無為

縣治郭下

沿革表

集菽迸短芽肥水暖荷浮圓葉滌湖清

溫公

此樓此景他

州無山川形勝吞三吳惟憑詩老寫奇勝縱有畫筆難  
工夫 此樓此景他州無天高水濶連平蕪綠楊深處

杏花發日暖數聲山鷓鴣

楊侍講  
詠南樓

山橫大秀一峯高水

隔平湖千里遙

楊玠  
分

林靄波光秀可餐登臨都付一亭

間坐遠世事塵埃遠靜入湖山日月閒對岸鶯花迷闌  
苑隔煙洲淑砌蓬山習池勝事無多闕只負襄陽倒載

還蒲守詠  
挹秀亭

壽春府倚郭一  
外縣一下蔡  
霍邱

忠正軍節度

郡號壽春 下蔡 壽州 忠正軍

府沿革禹貢揚州之域戰國屬楚秦九江郡漢高帝為  
淮南國武帝復九江郡治壽春縣東漢兼置揚州三國

屬魏晉武帝改九江郡為淮南郡宋齊兼置豫州元魏  
曰揚州梁曰南豫州東魏曰揚州陳曰豫州後周曰揚  
州隋開皇改壽州治壽春縣置總管府大業為淮南郡  
唐壽州治壽容縣天寶曰壽春郡屬淮南道後唐陞忠  
正軍節度周顯德徙治潁州之下蔡本朝陞府  
沿革表  
縣沿革下蔡本春秋州來國漢為沛郡下蔡縣東漢屬  
九江郡晉置淮南郡梁置汴郡北齊廢之隋屬汝陰郡  
唐武德改淮州縣尋復故又置渦州八年州廢屬潁州

五代周世宗徙州治此 霍邱本春秋蓼國漢為廬江  
郡松滋縣梁置安豐郡東魏廢之隋置霍邱縣屬壽州  
唐武德以松滋霍邱二縣置蓼州七年省松滋州廢屬

壽州神功曰武昌景雲復故名

沿革表

形勝壽春合肥受南北皮鞞鮑木之輸亦一都會也

漢志

南引汝潁之利東連吳會之富北接梁宋平途不過七  
百里西接陳許水陸不出千里外有江湖之阻內有淮  
淝之固龍泉之阪良田萬頃舒六之貢利盡南越

晉伏滔傳

峽石山潁水淮水在下蔡

豐津在霍邱

沿革表

八公山

在壽春有隱室石井

初學記

人物秦甘羅年十二為秦上卿 皇朝呂夷簡及子公

著皆為名相

見安豐軍下

集不見華胥夢空聞下蔡迷

李義山

本朝州郡軍額並仍前代政和六年陞壽春府

沿革表

集珠履繽紛宴壽陽欄干橫出白雲傍小艇關垂四鼻

釣佳人尤學小梅粧

郭祥正

安慶府

倚郭一  
外縣四

懷寧  
桐城

宿松

望江

太湖

安慶軍節度 舊提刑司

郡號瀟山

同安

舒皖

皖城

德慶

桐鄉

府沿革星紀之次斗分野禹貢揚州之域春秋羣舒地  
楚取之戰國屬楚秦九江郡地漢廬江郡地三國屬魏  
孫權克皖城以為重鎮晉安帝置晉熙郡梁兼置豫州  
後改晉州北齊改江州陳又改晉州隋開皇廢郡置熙

州大業為同安郡唐武德為東安州五年為舒州天寶  
曰同安郡至德為盛唐郡後復故屬江南道五代吳及  
南唐有之本朝陞府

沿革表

縣沿革懷寧本漢廬江郡皖縣晉永嘉後廢之安帝復  
置懷寧縣為晉熙郡治隋初置熙州後為同安郡治唐  
改舒州治此 桐城本春秋桐國漢為廬江郡樅陽縣  
東漢省之宋置陰安縣屬晉熙郡梁復置樅陽縣郡陰  
安屬焉隋開皇廢郡省陰安以樅陽屬熙州十八年改



同安縣唐屬舒州至德更今名 宿松本漢皖縣地梁  
置高塘郡隋開皇廢為縣屬熙州十八年改今名唐武  
德置嚴州州廢來屬 望江本漢皖縣地晉安帝置新  
冶縣屬晉熙郡陳置大雷郡隋開皇廢郡改曰義鄉十  
八年改望江屬熙州唐武德置高州尋改智州州廢屬  
嚴州嚴州來屬 太湖本漢皖縣地宋置太湖縣屬晉  
熙郡齊置龍安郡陳廢之復屬晉熙郡隋改縣曰晉熙  
後復名太湖屬熙州唐屬舒州

沿革表

形勝瀾山在懷寧西北上有三峯一曰天柱二曰瀾山  
三曰皖山瀾水出焉為第十四小洞天 南嶽漢武帝  
以衡山遙遠移祭瀾山遂為南嶽 龍吟岩虎嘯岩皆  
在瀾山左右 龍井在真源宮 虎井在中煉丹山  
三祖山在郡西北有乾元寺 七公山在皖山南 百  
子山在懷寧縣東 萬歲峯在玉照峯北 多智山在  
懷寧縣北 桃花港去司真洞五里 菊花港在懷寧  
東北 桑落洲在宿松縣南 麟角峯在皖山頂 虎

頭岩在懷寧北 龍眠山在桐城西北 鳳棲山在太

湖縣東南 玉龍洞在州北七十里 金雞石在真源

宮後 水晶洞在天柱寺中 瓊瑤宮在瀟山西 瑪

瑙山在太湖北 白雲山在太湖東 丹霞峯至皖山

二里

輿地紀勝

人物漢朱邑守東海治行第一 南史河尚之子孫多

文人仕皆顯達 皇朝王珪為相 張漢卿為興國管

庫與太守論事不合即和陶潛歸去來辭大書於印紙

而去

興地  
紀勝

集疎鐘天柱寺細雨皖溪船

張香

縣好也知臨皖水官閒

應得看瀟峯

羅隱

瀟嶽積蒼翠皖溪生素波

馬戴

本朝政和五年陞德慶軍節度紹興十七年改安慶軍

沿革

集一水碧羅裁繚繞萬峯蒼玉刺孱岩

王介甫

獨秀司命

峯衆立避高寒松竹二喬宅雪霜三祖山

山谷

碧水蒼山

照眼青始知朱邑愛桐城

郭祥正

此山富山水自昔少園

池主簿峯高昔所見司空山深初未游  
白水十丈

瀑吳塘千頃波 林依玉照遠雲為石盆留 虎頭王

照南北嶺麟角石盆三兩峯 三百六旬了無事二十

七峯常對門 橫舟千古擬陽水一徑從容達觀臺

北峽遠連南峽險小龍峻逼大龍高徐倫勢參吳楚分作

鎮向同安地勝塵寰隔天深洞府寬位將衡嶽獻根與

霍山蟠日轉香爐暖風清玉照寒石樓平郡堞天柱倚

雲端禪臨祖師塔山接左慈壇玄宗曾立廟漢武亦鳴

鑿孫倬題

滿山

蘄州倚郭一 蘄春  
外縣四 蘄水 羅田 廣濟 黃梅

蘄春郡防禦

郡號蘄春 蘄水 蘄陽 南晉

州沿革楚地翼軫之分禹貢揚州之域春秋戰國屬楚  
秦九江郡地漢江夏郡地三國屬魏吳取之置蘄縣晉  
廢之屬弋陽郡惠帝屬西陽郡孝武屬新蔡郡宋屬西  
陽郡南齊置齊昌郡北齊置雍州陳為江州後周改蘄  
州隋開皇置總管府大業為蘄春郡唐屬淮南道

沿革表

縣沿革 蕪春屬漢江夏郡吳為郡治晉屬弋陽尋改蕪  
陽梁改縣曰蕪水北齊改蕪陽隋復曰蕪春與蕪水並  
屬蕪春郡唐為蕪春治武德省蕪水入焉 蕪水本漢  
蕪春縣地宋置浞水縣及永安郡梁置羅田縣及義城  
郡隋廢郡以二縣屬蕪州唐武德改浞水曰蘭溪省羅  
田縣天寶改今名 羅田本漢蕪春縣地梁置義成郡  
隋廢為羅田縣唐武德省之本朝復置 廣濟本漢蕪  
春縣地唐武德析蕪春置永寧縣天寶改今名 黃梅

本漢蘄春縣地晉元帝置新蔡郡及永興縣隋改新蔡

又改今名屬蘄州

沿革表

形勝靜明山在州東有神祠 德章山在黃梅縣東

天柱峯在黃梅縣北 月頂山在蘄水縣西 四祖山

大醫禪師道場五祖山人滿禪師道場皆在黃梅縣

揚梅嶺在黃梅縣 黃梅山在縣北 石龜山石龍陂

在廣濟縣 玉鏡山在蘄水 玉虹泉在羅田 金仙

山在廣濟 龍平山在黃梅縣 鳳棲山在蘄水

輿地紀勝



人物林敏功弟敏修隱居不仕世號二林 龐安時喜

讀書治病有奇功 吳神紹興間以布衣上書 王玠

罵叛臣孔彥周全家遇害

輿地紀勝

集笛愁春盡梅花裏潭冷秋生薤葉中 蘭溪春盡碧

泱泱映水蘭花雨後香楚國大夫憔悴日應尋此路去

瀟湘

杜牧

斬水城西向北看桃花落盡柳花殘朱旗半捲

山川小白馬連錢草樹寒

戴叔倫

本朝元祐八年以石橋鎮陞為羅田縣紹興五年廢為

鎮尋復置

會要

集勝地初無一點埃水晶城裏小瑤臺環岸柳弄碧雲

合浮島蓮分翠蓋來

劉極詠  
含暉閣

梵石封苔百尺深試嘗茶

味少知音唯餘半夜泉中月留得先生一片心

王元之  
詠陸羽

泉霽容

闕

態柳藏橋

欲到險頭尋怪石夜來

春雨漲前溪

闕

淮南西路

和州

倚郭一  
外縣二

歷陽  
舍山

烏江

歷陽郡防禦 舊提舉司

郡號歷陽 濡須 烏江 東城 南豫

州沿革天文南斗魁下禹貢揚州之域春秋戰國屬楚  
秦九江郡地漢末為揚州刺史治三國吳重鎮吳屬淮  
南郡永興分置歷陽郡宋兼置南豫州北齊置和州隋  
開皇廢郡大業廢州復歷陽郡唐武德改和州天寶曰  
歷陽郡屬淮南道

沿革表

縣沿革歷陽秦初置縣屬九江郡漢為都尉治東漢為

刺史治晉初屬淮南郡後屬歷陽郡北齊置和州隋唐  
為州治 含山本漢歷陽縣地東漢末孫權置濡須塢  
晉元帝置龍亢縣後周省入歷陽唐武德析置含山縣  
八年廢之長安復置更曰武壽神龍復曰含山 烏江  
本秦東城之烏江亭漢屬九江郡晉置烏江縣屬淮南  
歷陽二郡梁置江都郡北齊改齊江郡陳改臨江郡後  
周改同江郡隋開皇廢郡以縣屬和州大業為歷陽郡

治唐屬和州

沿革表

形勝玄元有臺彭鏗有洞名山曰雞籠名塢曰濡須異有

四閩祥有沸井

劉夢得  
壁記

揚山在歷陽南

挑塢在紫極

觀

梁山在歷陽南

滁河在歷陽北

濡須山在含

山西濡須水出焉

烏江浦在縣東即亭長艤舟欲渡

項羽處

白石山在歷陽山下有洞

黃龍城在烏江

縣白馬河在歷陽

六合山在歷陽又名方山 八

公山在城北

千秋澗在歷陽

歷陽山在縣西北四

十里

華陽山在含山縣北有華陽洞

輿地  
紀勝

人物梁昌義之守鍾陵亢元英之師 唐何蕃當朱泚  
反時諸生將從亂蕃正色叱之 張籍善為古詩與韓  
文公遊 皇朝沈立熙寧間力言邪正有識嗟服 彭  
思永明道先生之婦翁也熙寧間論朋黨 魏矸勸高  
宗親征乞罷講和二字 張邵建炎使敵議論不屈留  
十九年時以埒蘇武 沈文通張孝祥皆魁多士 錢  
藻登第又中材識兼茂科 丘廓登第又中博學宏詞  
科 蔣子春以士人罵敵死 何宋英紹興布衣上書

言敵必渝盟

集一夕為湖地千年列郡名霸王迷路處亞父所封城

沸井今無湧烏江舊有名 土臺遊柱史石室隱彭

鏗 曹操祠猶在濡須塢未平 沙浦王渾鎮滄州謝

守城望夫人化石夢帝日還營 湖魚香勝肉官酒重

於錫雞籠為石顛龜眼入沈坑

劉禹錫

山狀雞籠攢翠黛

水通滴瀝落冰崖誰知內隱神仙宅金疊雲房玉琢堦

李思聰

本朝盤堆白玉鱸魚美手擘黃金蟹殼肥

范純仁

山扼平

湖蓄不東地分南北指撝中二關形勢千年壯三國英

雄一笑空堂成相業思三老山揖仙風對八公

張祁

濠州

倚郭一外縣一

鍾離

定遠

鍾離郡團練

郡號鍾離濠梁塗山臨濠

州沿革吳地斗分野禹貢揚州之域春秋鍾離子國楚  
取之吳又取之吳亡屬楚秦九江郡地晉屬淮南郡安



帝置鍾離郡齊兼置北徐州北齊改西楚州隋開皇廢  
郡置濠州大業為鍾離郡唐武德曰濠州天寶曰鍾離  
郡乾元曰濠州元和改從河屬河南道

沿革表

縣沿革鍾離本古塗山地漢九江郡當塗鍾離二縣晉  
屬淮南郡後置鍾離郡北齊改當塗為馬頭縣置荆山  
縣隋廢郡馬頭曰塗山屬濠州置鍾離縣唐武德省塗  
山入馬 定遠本漢九江郡曲陽東城二縣又有古陰  
陵城東漢於陰陵縣為九江郡治而曲陽加西字晉三

縣並屬淮南郡梁改東城曰定遠置臨濠郡北齊改廣  
安省西曲陽入焉陰陵廢之隋廢郡屬濠州仁壽改縣  
曰臨濠唐武德復名定遠

沿革表

形勝塗山在鍾離縣西禹會諸侯處漆園在定遠莊

子吏隱之地濠梁即河水在城下莊子與惠子觀魚

處杏山在鍾離縣南韭山在定遠東北觀魚臺

在鍾離縣西即莊周臺也夢蝶港在州城之夢蝶坊

華蓋山在定遠南水簾洞在清流門外寶公山

銀坑嶺在定遠 金子岡雲母山鍾乳山石膏山皆在

鍾山

輿地紀勝

人物戰國莊子為蒙漆園吏 三國魯肅任吳為橫江

將軍 皇朝郭延澤傳寫書籍至萬卷號為書藏

輿地紀勝

集紫蔓青條覆酒壺落水時與竹風俱歸來自負花前

醉笑向游魚問樂無

獨孤及詠  
垂花塢

遠岫碧光合長淮清派

連院藏歸鳥寺鐘到落帆船

張祜

塗山來去熟唯是馬蹄

知天樂

本朝欲將同異校錙銖肝膽猶能楚越如若信萬殊歸

一理予今知我我知魚

東坡詠  
觀魚臺

常怪劉伶死便埋豈伊

忘死未忘骸烏鳶奪得與螻蟻誰信先生無此懷

東坡  
題道

遙自得莊生樂觀魚近碧濠觸萍時破鬣防餌不投刀

郭祥  
正

粉翅何妨化顏鱗更樂觀塗山二劍利淮水十漿

寒

郭家書藏舊焚香數盡書來宅已荒夢蝶坊中人

不見昔年門館倍淒涼

錢  
易

光州

倚郭一  
外縣三

定城  
固始

光山

仙居

光山軍節度

郡號浮光 固始 光山 定城 仙居 南郢 滄

州

州沿革楚地翼軫之分禹貢揚州之域春秋黃弦二國  
楚滅之戰國屬楚秦九江郡地漢汝南江夏二郡地魏  
分置弋陽郡梁宋置光州東魏復為弋陽郡北齊置南  
郢州後周置淮南郡隋弋陽郡唐光州弋陽郡屬淮南

道

沿革表

縣沿革定城本春秋黃國漢汝南郡弋陽縣魏屬弋陽郡東魏為郡治北齊置南郢州後廢為南北二弋陽縣又省北弋陽又改為定城後周為淮南郡治隋廢郡屬弋陽縣唐武德置弦州貞觀州廢來屬太極徙州治此固始本古蔣國漢汝南寢縣及期思縣東漢更寢曰固始晉屬汝陰郡期思屬弋陽郡宋置包信縣梁改固始為蓼縣廢期思於包信置義成郡及建州北齊復以蓼為固始廢建州為新蔡郡周改置澮州陳置邊城郡

隋廢澮州以固始屬弋陽郡改包信曰殷城廢邊城為  
期思縣唐固始殷城並屬光州廢期思 光山本漢江  
夏郡西陽縣魏屬弋陽郡晉為郡治梁置光州及光城  
郡隋開皇廢郡置光山縣大業為弋陽郡治唐徙光州  
置定城 仙居本春秋弦國漢江夏郡軹縣晉屬弋陽  
郡宋分軹置樂安縣梁置宋安郡宋安光城二縣隋省  
梁郡縣入樂安屬弋陽郡唐武德析樂安置宋安為谷  
州治貞觀省入改今名

沿革表

形勝梅林山杏子河在固始 東西龍門在定城 大

小灌水在固始 金漿澗在固始大蘇山 鐵林山在

固始 弋場山在光山縣 淨居山在固始南 龍潭

山鴈塞山皆在固始 仙人洞在光山 聖人澤佛子

院仙居山皆在固始

輿地紀勝

人物春秋虞丘相楚之處士 孫叔敖為楚令尹虞丘

相薦之 齊揚愔為名相 五代閩王王審知 皇朝

司馬先生光山驛今有祠堂

輿地紀勝



本朝建隆元年改殷城為商城縣後省為鎮入固始宣

和初陞光山軍額

沿革表

集弋陽信夷曠深在亂山中惟此仙人杏持盛蒼臣功

盛度詠杏亭

我來小小郡愛此高高臺前對蒼筤竹萬竿球

琳材

黃子山川遺故國弋陽煙霧共空臺

楊

蟠黃河遶

出郡城樓樓枕潢南城上頭天濶星連翼軫分地長川

帶漢淮流百年京邑天邊在一點弋山煙際浮

趙彥琬

野

陂衰草淒荒城千里浮光點太清不與衆山為伴侶自

然八面露崢嶸 荆榛千里古黃國此景葱菁浮煙嵐

張天覺  
浮光山

佩蘭浮者今何在煉杏山翁去不還

郝及中  
浮光山

黃州

倚郭一  
外縣二

黃岡  
黃陂

麻城

郡號齊安 黃岡 黃城 黃陂 赤壁

州沿革楚地翼軫分野禹貢揚州之域春秋黃國境戰  
國屬楚漢高帝置江夏郡魏為重鎮後入吳晉初屬弋  
陽郡後屬西陽郡南齊分置齊安郡北齊兼置衡州陳  
廢州後周復置隋改黃州大業為永安郡唐黃州齊安

郡初屬江南後屬淮南道

沿革表

縣沿革黃岡戰國楚徙相君於此漢西陵縣為江夏郡治又邾縣晉並屬弋陽郡後廢邾縣北齊置南安縣及齊安郡隋廢郡改黃岡縣置黃州治此又有木蘭縣唐省木蘭入黃岡黃陂本漢西陵縣地東漢末為黃城鎮北齊置南司州後周置黃陂縣改南司曰黃州隋屬永安郡唐武德置南司州尋以黃陂來屬麻城本漢西陵縣地梁置信安縣東漢置定州後周改亭州隋廢

州改麻城縣屬黃州唐武德復亭州八年蔡州來屬元  
和省麻城縣建中復置

沿革表

形勝松湖在黃陂 竹樓在城上王元之作記 赤壁

在江濱東坡作賦 烏林近赤壁 赤山在黃岡 春

風嶺在麻城 甘露山在黃陂 十勝景在城山有仙

女臺仙女洞看花臺龍潭瀑布崖龍仙源亭馬頭泉師

姑臺仰天窩 七丈山在黃岡 三角山九螺山在麻

城

紀勝

人物皇朝程珦寓居黃陂生二子即二程先生 潘大

臨潘大觀皆有詩名 何頡之自號樗叟陳慥自號龍

丘東坡謫黃州與之遊

紀勝

集一夜風吹竹連江雨送秋 可憐赤壁爭雄處唯有

簑翁坐釣魚

杜牧

本朝詩情不負齊安郡杜牧當年與我齊 山州過夏

如山寺銷盡機塵見道心 淮甸為內地黃岡壓上游

王元之 南篇司馬青衫濕北句郎官白髮生堪與江黃永

傳唱離騷經外此歌聲

王軫小司馬白居易  
易郎官王元之

長江遠郭知

魚美好竹連山覺笋香

黃州小郡夾谿谷茅屋數間

依竹葺

一別臨平山上塔五年雲夢澤南州

東坡雲夢

澤南君子泉水無名字托人賢

山谷

異時小杜高眠地幾

向秋風聽楚江

張耒

縹渺煙中漁父槩坡陀山上使君衙

董地據淮西盡江吞石壁寬

孫載

安豐軍

倚郭一  
外縣二

安豐  
壽春

六安

郡號六安

六蓼

八公

芍陂

壽陽

軍沿革吳地斗分野禹貢揚州之域春秋六國楚滅之  
秦九江郡治漢為六安國東漢屬廬江郡魏置安豐郡  
梁增置陳留郡隋廢郡屬壽州大業屬淮南郡唐屬壽  
州本朝置軍

沿革表

縣沿革安豐本漢六安陽泉安豐四縣地東漢廬江郡  
晉但存六縣餘三縣悉省之南朝廢六縣梁置安豐郡  
及縣又僑置陳留郡隋廢郡以安豐屬淮南郡本朝置  
郡治此 壽春本春秋楚邑秦置九江郡漢淮南國後

為九江郡治東漢揚州刺史九江郡並治此晉淮南郡  
治後改壽陽縣宋復為壽春縣梁置豫州陳為揚州隋  
開皇為壽州治大業淮南郡治唐壽州治周世宗徙壽  
州治下蔡而縣屬焉本朝置軍來屬 六安本漢廬江  
郡潛縣及六安國安豐縣晉省潛縣梁徙安豐縣於郡  
治於此置霍州及岳安郡縣北齊州廢隋廢郡改岳安  
為霍山縣屬廬州唐武德置霍州並析置應城潛城二  
縣貞觀州縣並廢以霍山屬壽州開元改盛唐縣天寶



又別置霍山縣本朝廢之改盛唐為六安縣

沿革表

形勝霍山即天柱山也爾雅云霍山為南岳 蓼城在

安豐即春秋蓼國

芍陂在安豐東

詳見陂類

三公山在六

安 八公山在壽春符堅戰敗見其草木皆為人兵

九公山在六安 安陽山在陽泉安豐二縣之間 盛

唐山在六安 黃閭山青岡城皆在壽春

紀勝

人物漢英布六安人臯陶之後 梅福壽春人得仙

召信臣見循吏傳民號為召父 魏胡質胡威父子清

謹名譽著聞 唐龐嚴舉賢良第一 李興父疾自刃

股肉以饋父父死捧土就墳詔表門閭

紀勝

集風獵紅旗入壽春滿城歌舞向朱輪八公山下清淮

水千騎塵中白面人

劉禹錫寄楊壽春

遙知用兵處多在八公

山

劉文房

日夕煙波那可道壽陽西去水無窮

皇甫冉

本朝開寶初省霍山縣為鎮入盛唐四年改六安縣紹興十二年陞安豐縣為軍以壽春壽州六安二縣來屬

沿革表

集三輔亡秦期可必八公草木勢將回  
王樞地分三楚  
嘗為茅土之強山號八公終闕

京西南路

襄陽府

倚郭一  
外縣三

襄陽  
穀城

宜城

南漳

山南東道節度 京西湖北兩路安撫司

京湖制置司 京西轉運司 提刑司

提舉司 都統制司

郡號漢水 鄧城 荆山 臨漢 梁山 襄漢 樊

城

府沿革楚地翼軫之分离貢豫州之域春秋戰國屬楚  
秦南郡之北界漢屬南陽南郡魏置襄陽郡為重鎮晉  
兼置荊州東晉僑置雍州宋割荊州置雍州西魏改襄  
州隋開皇廢郡大業廢州復置郡唐武德曰襄州為山  
南東道節度本朝陞州來屬

沿革表

縣沿革襄陽本古樊城春秋鄆鄧之國漢屬南郡及南  
陽郡魏屬襄陽後立樊城縣東晉僑置雍州鄧城縣後

廢入樊城後周省樊城入安養曰臨漢貞元移治古鄧  
復改曰鄧城本朝省入襄陽 穀城本春秋穀伯秦屬  
南陽郡漢筑陽縣陰縣鄧縣之城晉孝武置義成縣屬  
義成郡宋以筑陽置扶風郡陰鄧屬廣平郡梁置饒陽  
縣屬義城郡後周省鄧縣餘並屬襄陽隋省筑陽饒陽  
改陰縣曰陰城開皇改義城曰穀城唐貞觀省陰城入  
焉 宜城本春秋郡國楚城後都之秦南郡之北部漢  
南郡都改三縣惠帝改鄆曰宜城魏置襄陽郡三縣屬

焉晉安帝析置樂鄉縣屬武寧宋改宜城為羊山郡又  
置畧陽縣梁置率道縣西魏改革山曰漢南畧陽曰上  
洪隋並屬襄州大業樂鄉屬竟陵唐貞觀省上洪漢南  
入率道以樂鄉還屬襄州天寶改率道曰宜城後周省  
樂鄉入焉南漳本荆豫二州之境春秋盧戎周秦伊  
廬地漢中廬山都臨沮三縣魏臨沮山都屬襄陽郡中  
廬屬南陽郡晉分臨沮置上黃縣屬襄陽梁屬中廬置  
穰縣西魏置重陽廢穰縣又置義清周改重陽曰思安

省山都隋改思安曰南漳唐武德析南漳置荊山貞觀  
省南漳入義清開元徙荊山於故南漳改今名

地理沿革表

形勝峴山去城十里羊祜所遊 荊南在南漳西北有

石室云卞和宅 穀山在穀城西北 檀溪在城西南

蜀先主乘的盧一躍而過 九島山八疊山在南漳

百丈山在襄陽南 鹿門山在宜城東北馬窟山漢時

有馬出焉

紀勝

人物戰國宋玉 漢王逸注楚詞 馬良兄弟五人諺

曰馬氏五常白眉最良 龐德公隱峴山 三國龐統

即德公之從子也德公稱為鳳雛 楊顥為諸葛亮主

簿 張悌相吳晉平吳死之 習鑿齒博學洽聞 唐

張柬之相武后匡復唐室 孟浩然隱鹿門山 柳渾

料吐蕃必敗盟已而果然 尹嗣宗子忬孫恭先曾孫

仁恕皆有孝行荆公詩云四葉表門唐尹氏 皇朝胡

旦魁天下 張士遜拜相 魏恭不受章子厚官 范

宗尹直言擢為相

紀勝



集漢池水如帶巫山雲似蓋一望沮漳水寧思江海會  
沈約醉中來習氏夢裏憶襄王宅毀仍思鳳碑存更憶羊

蜀相吟安在羊公碣已磨宛宛樊池岸悠悠漢水波

訪古登高峴憑高眺襄中天晴遠峯出水落塞沙空

弄珠見遊女醉裏懷山公 峴山臨漢江水綠沙如雪

上有墮淚碑青苔久磨滅且醉習家池莫看墮淚碑山

翁欲上馬笑殺襄陽兒李白不厭楚山路稀憐漢水清津

頭習氏宅江上夫人城夜入橘花宿朝穿楓葉行岑參雲

斂荆門近江平峴首低

楊於陵

襄陽九里郭樓雉連雲樹

白樂天

商路雪開旌旆遠楚堤梅發驛亭春襄陽風景由

來好重與江山作主人

清思漢水上涼憶峴山巔吾

家碑不昧王粲并依然

漢水碧於天南荆廓然秀廬

羅遵古俗鄢郢迷昔圃

自從宋玉賢持立冠者舊離

騷既日月九辨即列岫卓哉悲秋辭合在風雅右

陸龜蒙

峴山思駐馬漢水憶迴舟丹壑嘗如霽青林不換秋

張九齡

控帶荆門遠飄浮漢水長江波明楚甸山色奪荆

岑韓文公

本朝宣和元年陞襄州為襄陽府太平興國元年改義  
清縣曰中廬紹興七年省入南漳紹興五年省鄧城縣

入襄陽沿革表

集莫沉杜預閒碑石判倒山翁醉接離 襄陽春游樂

何許峴山之陽漢江浦使君朱旆來翻翻人道使君如

羊杜東坡習家池畔思前事遊女江邊想弄珠 檀溪春

水長青蒲溪上行人問的廬顏連天漢水鴨頭春樂府

銅鞮艷曲新 峴首重尋碑墮淚習池還指客橫鞭逃  
亡已覺依劉表寒峻應須禮浩然

蘇子由

鄧州

倚郭一外縣四

穰縣南陽

內鄉

浙州

順陽

武勝軍節度

郡號南陽 宣化

州沿革禹貢豫州之域春秋鄧國地後并於楚戰國屬  
韓尋屬秦又屬楚秦以後為南陽郡晉南陽國及順陽  
義陽二國境宋齊為南陽郡後魏兼置荊州西魏為重

鎮隋改鄧州大業復為南陽郡唐鄧州南陽郡後梁陞

宣化軍後唐改威勝後周改武勝

沿革表

縣沿革穰縣春秋楚邑戰國秦取之漢穰朝陽新野冠軍  
軍涅陽五縣地並屬南陽東漢以冠軍之北境置臨瀨  
縣晉穰及朝陽屬義陽郡惠帝置新野郡後廢朝陽元  
魏以穰為南陽郡治為荊州刺史治又置新城縣西魏  
改臨湍縣後周廢新野郡隋開皇改新野縣屬南陽改  
涅陽曰譟陽以臨湍為新城唐貞觀省冠軍涅陽入穰

縣乾元省新野天寶又改新城為臨湍五代後漢改臨湍曰臨瀨本朝省入穰縣 南陽本春秋申國秦置宛縣後屬南陽郡漢宛博望安衆杜衍育陽雒西鄂七縣之地並屬南陽郡東漢省杜衍縣晉省安衆育陽又廢博望元魏置上陌縣改雒曰北雒省西鄂孝文置向成縣後周並宛上陌連名上宛隋改上宛為南陽向成屬育陽郡唐屬鄧相唐末省向成入南陽 內鄉本春秋楚白羽地後改為析靳固商於邑漢析及丹水二縣屬

弘農郡鄠縣屬南陽郡東漢三縣並屬南陽晉析及丹水屬順陽郡鄠屬南陽郡元魏置析陽郡西魏改為中鄉郡又置南漳郡於鄠縣地隋改中鄉曰內鄉屬析陽郡廢菊潭為縣省丹水入內鄉唐內鄉菊潭屬鄭州五代後周省菊潭入內鄉為鎮 浙川亦析白羽之地東漢為南鄉縣魏置南鄉郡晉改順陽郡後析陽南鄉皆廢五代後周復置浙川屬鄧州 順陽屬漢南陽郡哀帝改博山東漢屬順陽國晉屬順陽郡西魏析置鄭縣

尋改為清鄉後周省順陽入焉隋廢復為順陽其後省

入內鄉為鎮本朝復置縣

沿革表

形勝丹水城在浙川縣抱朴子云丹水出丹魚先夏至  
十日夜祠之魚浮水上赤光如火網而取之割其血以  
塗足可以步行水上 紫山在南陽縣 梅溪松嶺皆

在南鄉

初學記

菖蒲潭在穰縣東南 金龜潭博望城即

漢張騫封處

張衡宅有讀書堂又有鄧禹宅

已上皆在南陽

人物漢鄧禹中興元勳 鄧弘守南陽著治績條教法



度為後所述 召信臣守南陽號為召父 杜詩守南

陽語曰前有召父後有杜母 羊續守南陽府丞獻其

生魚續懸之於庭 劉寬守南陽吏民有過但用蒲鞭

示辱而已 鮑德守南陽吏民愛說號為神父

俱見漢書

本朝建隆初省臨瀨縣入穰縣太平興國六年以順陽

鎮復為縣

沿革表

隨州

倚郭一

隨縣

外縣二

唐城 應山

崇信軍節度

郡號漢東 隨陽 隨國

州沿革韓地角亢氏分野禹貢荊豫之域春秋隨國戰國屬楚秦以後屬南陽郡晉屬義陽郡惠帝置隨郡西魏置并州後號隨州隋廢州置漢東春陵二郡唐並為

隨州漢東郡

沿革表

縣沿革隨縣本春秋隨屬二國楚滅隨為縣漢屬南陽郡晉屬義陽後置隨郡梁置曲陽郡西魏置隨州南齊分置安化縣西魏改新化後周改光化隋置漢東郡光

化屬焉唐隨光化二縣屬隨州本朝省光化 唐城本  
春秋唐國漢為春陵縣之上唐鄉東漢屬章陵縣晉屬  
安昌縣後置上唐縣後魏曰厥西置義陽郡後改肆州  
縣曰下澨隋改縣曰唐城後省入棗陽唐開元復置屬  
隨州五代梁晉皆嘗改為漢東後復故 應山本漢南  
陽郡隨縣地又東漢江夏平春縣地宋平春屬義陽郡  
後省之西魏置平靖縣屬平靖郡隋大業廢郡改置應  
山縣屬安陸郡省平靖入焉本朝改隸隨州

沿革表

形勝壽山在州東北 仙丘在州南 龍坡在州北

龜潭在州東 鐵城山在唐城縣北 金庭洞在桐柏

山西南 大洪山在州西南慈忍靈尊者道場 大紫

山在州東北 大義山居民有義故名 三鍾山在隨

縣東北三堆狀若覆鍾 雙泉山有七寶泉珊瑚泉

隨城山在州南 唐城山在唐城縣 仙城山在州東

南輿地紀勝

人物春秋季梁隨國賢臣 後漢周章諫太守謁竇憲

皇朝宋綬詔試學士院與父臯同在館閣世以為榮  
連舜賓有隱德鄉里悅服二子相繼登第 劉陸進

士第二人坐元祐之黨謫安州

輿地紀勝

集彼美漢東國川藏明月輝

李白

行行指漢東暫喜言笑

同雨雪離江上蒹葭在夢中

韓愈

集九十九岡遙天寒雪未

銷蔣吉鷗翻漢浦風波急鴈下鄖溪霧雨深

羅隱

本朝乾德五年陞崇義軍節度太平興國改崇信熙寧

五年省光化縣為鎮入隨縣

沿革表

嘉定年間割德安府

應山縣入隨州

邱報

集城上春光鶯語亂城下煙波風拍岸

錢文信

詩筒相逐

到隨城練句揮毫老益精

范純仁

詩到隨州更老成江山

為助筆縱橫

山谷

隨為西楚南郡頗富山水 湏水帶西

城城高敞郡亭 城隅樓榭與雲平城下流溪見底清

邢怨雲山連楚塞夏水暗隨城 隨州九十九重山安得

鄉人住此間

王安中

隨州西南多奇峰爭高競秀無終窮

衆山迤邐漸行盡始見獨尊惟大洪

楊連

厥湏雙水抱城

隅高誼前聞季大夫九十九罔風俗厚人人况已握靈

珠陳師道

均州

倚郭一外縣一

武當

鄖鄉

武當軍節度

郡號武當

鄖城

始平

鄖鄉

齊興

豐則

州沿革秦韓之交角亢氐東井之分野禹貢豫州之域  
春秋麋國戰國屬韓秦屬南陽漢屬南陽漢中二郡魏  
屬南鄉郡晉屬順陽郡宋後置武當郡齊僞置始平郡

尋改齊興兼置興州後周改豐州隋廢郡改均州大業  
州廢屬浙陽郡唐義寧置均州貞觀廢之屬浙川八年

復置武當軍

地理沿革表

縣沿革武當屬漢南陽郡魏南鄉郡晉順陽郡後置武  
當郡隋治均州州廢屬浙陽郡唐復屬均州 鄆鄉本  
春秋麋國漢錫縣長利縣地屬漢中郡東漢省長利魏  
屬魏興郡晉復置長利縣太康改錫縣為鄆鄉東置南  
上洛郡西魏改豐利郡析錫縣置豐利縣後周廢郡隋



以豐利屬西域唐屬均州本朝省豐利

地理沿革表

形勝武當山在縣南二百里中有一峯名參嶺峯上有三十六巖 天柱山在鄆鄉上有三石門飛仙往來

寶蓋山在鄆鄉 金鎖嶺在武當山 落帽峯乃戴將

軍上昇落帽於此 兜登山在鄆鄉 三生石在武當

縣 千齡州在鄆鄉一名滄浪州

輿地紀勝

人物皇朝陳搏號希夷先生隱於武當山後乃居華山

紀勝

集我生本似遠行客况是亂離多病身經山涉水向何

處看見竹林禪定人

戴叔倫題  
武當蘭若

本朝宣和元年陞武當節度

會

要乾德省豐利縣入鄆鄉

沿革表

集萬事若在手百年聊稱情他時南嶽去記得此巖名

陳搏題  
俞公巖


蘇壁留詩志何大可憐秦華老圖南

張士

我愛

武當好將軍曾得道蛻舉入雲霄高岑名落帽

無名氏



記纂淵海卷十二